

帶經堂集卷十四

歙門人程哲校編

新城王



漁洋詩十四

癸卯稿

送葉子吉編修入都二首

憔悴江潭客

先皇侍從臣宮車一朝出三別帝城春自灑蒼梧
淚行歌楚澤濱重來清切地憶奉屬車塵

論文三載事回首若流波吳會故人遠楚江風浪
多垂楊拂征蓋宮樹待鳴珂後夜遙相憶悠悠關
復河

二方字三

漁洋詩卷十四

一

方爾止言虞山先生近撰吾炙集謬及鄙作

因寄二首

不薄今人愛古人龍門登處最嶙峋山中柯爛蓬
萊淺又見先生製作新

白首文章老鉅公未遺許友八閩風如何百代掄
騷雅也許憐才到阿蒙

先生句也

先生寓書云偶愛許友詩因仿
篋中集例為此書許友八閩風

送家兄禮吉歸濟南兼寄子側

謝公堤外夕陽樓樓下關河急暮流江浦碧雲孤
鴈遠淮南水驛數蟬秋對牀雨夜還如昨罷酒人

稀始欲愁阿大中郎會相憶竹西風露夢揚州

又絕句二首

龍山晴雪馬蹄長山翠湖雲罨畫香好到旗亭寒
賞酒雙鬢低按小秦王

錦秋湖邊稻花涼錦秋亭下鱸魚香垂虹秋色一
千里秋到吳淞思故鄉

七夕後一日舟中作

昨夜銀河吹玉笙玩珠亭上月微明人逢七夕思
千里雁去三湘第一聲蓮葉香殘過甓社竹枝歌
斷望蕪城西風斜日鄰鄰水楚塞新秋倍愴情

三才甲

漁洋詩卷十四

二

喜聞家兄子側捷報

小日東堂和輞川打牕松雪故依然封湖過未知
名久愧著先鞭十二年

禎以順治辛卯舉鄉薦至
今康熙癸卯十二年矣

九日與方爾止黃心甫鄒訐士盛珍示集平

山堂醉歌送方黃二子赴青州謁周司農

西風蕭蕭天雨霜秋高木落當重陽鷓鴣先鳴蕙
芳歇鴈門鴻雁來何方今我不樂出行邁西城近
對平山堂歐公風流已黃土舊遊寂寞風煙蒼喬
木修竹無復在荒蕪斷隴棲牛羊

原

蘇到日已

陳蹟况復清淺論滄桑京江南望流湯湯北顧山

高枕鐵甕蕭公旌旆何飛揚雲龍直北雲茫茫彭
城戲馬啓高宴至今邊朔傳名章孤蓬驚沙振叢
薄哀螢蔓草纏雷塘從來王霸已如此牛山何必
霑衣裳與君並坐但鼓瑟醉倒聊復呼葛彊樽前
聚散況難必羽聲變徵何激昂明朝送汝望諸澤
欲趁桓公作急裝

如皋訪邵潛夫寄廬有贈

萬曆年中古逸民滄桑閱盡白頭新張蒼已老口
無齒杜甫還驚筆有神偕隱鹿門空往事五男栗
里只單身行歌帶索吟三樂好與榮期共卜鄰

邵無

漁洋詩卷十四

三

三九四十三
妻孥子年八
十有三矣

戲做元遺山論詩絕句三十六首

附猶子
浣注

巾角彈碁妙五官搔頭傅粉對邯鄲風流濁世佳
公子復有才名壓建安

五字清晨登隴首羌無故實使人思定知妙不關
文字已是千秋幼婦辭

青蓮才筆九州橫六代淫哇總廢聲白紵青山魂
魄在一生低首謝宣城

挂席名山都未逢浔陽喜見香爐峰高情合受維
摩詰浣筆為圖寫孟公

右丞愛襄陽挂席幾千里名山
都未逢之句因為寫吟詩圖

杜家箋傳太紛拏虞趙諸賢盡守株苦為南華求
向郭前惟山谷後錢盧

牧齋有讀杜小箋
德水有讀杜微言

漫郎生及開元日與世聲牙古性情誰嗣篋中冰

雪句谷音一卷獨錚錚

谷音杜清碧撰
宋末逸民之作

風懷澄澹推韋柳佳處多從五字求解識無聲絃

指妙柳州那得並蘇州

中興高步屬錢郎拈得維摩一瓣香不解雌黃高

仲武長城何意貶文房

草堂樂府擅驚奇杜老哀時託興微元白張王皆

古意不曾辛苦學如稀

三夕十二

漁洋詩卷十四

四

京兆風情粉黛叢鬢絲晚惜落花風湖州箋記揚

州夢綺語翻教詆白公

廣大居然太傅宜沙中金屑苦難披詩名流播雞

林遠獨媿文章替左司

豈有文章替左司白
公刺蘇州時詩也

獺祭曾驚博奧殫一篇錦瑟解人難千年毛鄭功

臣在猶有彌天釋道安

琴川釋道
源字石林

涪翁掉臂自清新未許傳衣躡後塵却笑兒孫媚

初祖強將配饗杜陵人

山谷詩得未曾有宋人強以擬杜
反來後世禪射要皆非文節知己

詩人一字苦冥搜論古應從象罔求不是臨川王

介甫誰知暝色赴春愁

唐之晚渡伊水詩首句或作暝色
起春愁王云若作起誰不能道耶

苦學昌黎未賞音偶思螺蛤見公心平生自負盧

山作才盡禪房花木深歐公欲傲常尉破山寺作一聯而不能坡云公厭芻豢及思螺蛤耶

林際春申語太顛園林半樹景幽偏豫章孤詒誰

能解不是曉人休浪傳山谷謂氣蒸雲夢澤波撼岳陽城不如雲中下蔡已林際春申君疎影橫

斜水清淺暗香浮動月黃昏不如雪後園林才半樹水邊籬落忽橫枝也

鐵厓樂府氣淋漓淵穎歌行格儘奇耳食紛紛說

開寶幾人眼見宋元詩

李杜光芒萬丈長昌黎石鼓氣堂堂吳萊蘇軾登

廊廡緩步崆峒獨擅場

藐姑神人何大復致兼南雅更王風論交獨直江

四男世一漁洋詩卷十四 五

西嶽不獨文場角兩雄

三代而還盡好名文人從古善相輕君看少谷山

人死獨有平生王子衡海內談詩王子衡春風坐偏魯諸生鄭繼之詩也二公初不相識鄭死王

見此詩數千里入關經紀其卷

正德何如天寶年寇侵三輔血成川鄭公變雅非

關杜聽直應須辨古賢昔人論鄭善夫詩以為時非天寶位靡拾遺譏其無病而呻故駁之

十載鈴山冰雪情青詞自媚可憐生彥回不作中

書死更遺匆匆唱渭城分宜早年詩有王韋之風貴後皆應制腐惡之作耳

接跡風人明月篇何郎妙悟本從天王楊盧駱當

時體莫逐刀圭誤後賢

翩翩安定四瓊枝司直司勳絕妙詞底事濟南高

月旦僅存水部數篇詩安定謂皇甫兄弟滄溟撰詩刪入選者子約一人耳

中州何李並登壇弘治文風競比肩詎識蘇門高

吏部嘯臺鸞鳳獨迢然

文章烟月語原卑一見空同迥自奇天馬行空脫

羈勒更憐譚藝是吾師鸚鵡五集所謂名句如文章江左家

者卑詩好官卑頌九華梁鴻溪畔弔殘霞鍾磬去後殷

璠死玉鹿風流自一家頌起綸號九華山人撰國雅所居惠山別墅曰玉鹿玄丘即鄒氏愚公谷

濟南文獻百年稀白雪樓空宿草菲未及尚書有

漁洋詩卷十四

邊習猶傳林雨忽霑衣邊司徒華泉先生仲子有詩一卷佳句云野風吹落帽林雨忽霑衣又云

清暑不成雨夕陽開晚晴

楓落吳江妙入神思君流水是天真何因點竄澄

江練笑殺談詩謝茂秦

來禽夫子本神清香茗才華未讓兄徐庾文章建

安作悔教書法掩詩名香茗賦鮑令暉作以擬馮邢卿慈淨

海雪畸人死抱琴朱絃疏越有遺音九疑淚竹娥

皇廟字字離騷屈宋心鄭露南海人抱琴而死集名海雪詩多在瀟湘洞庭之間

澹雲微雨小姑祠菊秀蘭衰八月時記得朝鮮使

臣語果然東國解聲詩明崇禎中朝鮮使臣過登州作

溪水碧于前渡日桃花紅是去年時江南腸斷何
人會只有崔郎七字詩

曾聽巴渝里社詞三閭哀怨此中遺詩情合在空
舸峽冷鴈哀猿和竹枝

九歲詩名銅雀臺三年留滯楚江隈不如解唱黃
顰者新自王戎墓下來

白沙江上別家兄西樵赴金陵四首

相送方山頭躊躇罷歡宴回首十年中與君幾相
見風葉梁王園烟波揚子縣同此後夕心楓林暝
遙岸

二十七

漁洋詩卷十四

七

少小為兄弟與君同一身泛泛萍梗合何殊行路
人西風鴻雁影欲下楚江津忽復與君遠傷心難
具陳

相逢纔一夕揮手復千里隋苑已銷魂誰堪別離
此征人眼中淚流作建康水江水日東流離恨何
時已

君從板渚來官河幾衰柳十月遵隋堤寒條垂馬
首折此千萬絲勸君一杯酒赤岸帆開時秣陵人
去後

再別家兄二首

雪後西津返照開憶君曾上妙高臺天涯那得分
攜少同聽金山粥鼓來
嵩陽舊約十年情蹤跡如蓬各自驚今日楚江風
雨裏只如飄泊在彭城

登金陵

庾家墓上獨澆酒江令宅邊同看花何處秋風正
愁絕空江潮滿日西斜

登文游臺放歌

玻瓈江上謫仙人東來萬里辭峨岷熙寧元豐不
得意翩然戲弄淮南春龍圖學士忤權要祥符宰

漁洋詩卷十四

八

相餘王孫黃樓一賦軼屈宋無雙國士推導秦四

公相逢向淮海酒酣耳熱氣益振珠湖三十六陂

澤高臺下瞰何嶙峋錦繡詩篇照天地與臺光景

常鮮新雲煙過眼一飛鳥黃河曲注江東奔人民

城郭半遷改此臺屹立當湖濱惠州儋耳垂萬死

後生望古傷吟魂何人請籍元祐黨至今泚頽慚

安民豈知此臺好名字永絕狐鼠芟荆榛我來游

眺歲幾度溪毛明信古所敦遠帆如鳥樹如薺湖

光雲霧相摩吞嚴冬沆瀣但一氣大雪片片鋪龍

鱗醉公一語公莫嗔作詩一笑君應聞

未即坡公題
太白像語

紀異行

景泰年中五月雪竹木摧枯麥苗竭如聞雙鶴語
堯年父老流傳尚能說前年辛丑夏雨霜真州災
告連丹陽壬寅七月海東嘯崇川化作鼃鼃鄉今
年雨雹殺禾稼雉皋民徙龍為殃有龍見如皋境內
棲巨艦飛空中冬
十一月大雷電百蟲奮蟄難閉藏天心仁愛有深
意洪範何嘗諱災異江淮連歲困租庸請備他年
五行志

寄猶子浣

大令幼能方文字聲名早與右軍爭吾家子弟誰

三九廿五

漁洋詩卷十四

九

矜咳千里時時念淨名

浣小字

過汜光湖懷古

嗚呼正德中壁壘隳皇綱華容既遐謫劉謝咸高
翔談笑誅刑餘臺閣資文襄逆濠睨神器弄兵下
鄱陽勢異北平順跡同吳淠狂桓桓文成公將帥
皆龍驤義旗出章貢狡童旋已亡如何萬乘尊南
巡來建康羅綺照江水姝麗傾淮揚誰賡白雲謠
載詠黃竹章茲湖兩駐蹕名因翠華長龍舸與鳳
帽樂哉方未央膠舟古所戒遺恨憐昭王事往二
百年寒波但菰蔣月暗津鼓急楓落漁燈涼緬懷

豫且歎弔古重悲傷至今秦陵樹松柏無斧斨

舟夜有感

移舟葭菼邊風水夜蕭然津鼓安宜市漁歌太府
船長淮三歲路小雪欲寒天魚稻珠湖好何時乞
數椽

送家兄太液赴宛陵

千里青山謝朓樓雙溪水色鏡中遊送客廣陵西
向笑欲投箋記乞宣州

夜遇伯璣即別

聞君返西江崎嶇歲將暮不知秋浦歸復此吳陵

漁洋詩卷十四

十

遇煙暝失漁村雪消數江樹怡悵聞荒雞別君立
前渡

夢與唐祖命遊黃山

昨宵山中駕咫尺窮黃海夢裏軒轅臺迢迢復何
在

至日懷申鳧盟兼寄張覆輿

晚雪融長至春風到廣羊有書來遠道知汝卧清
漳久客諳吳語行歌憶楚狂如聞巖壑裏慙世得
琴張

蘇門行寄公猷

劉生俠氣老不除腰間玉具纓曼湖目送飛鴻臥
西省晝夢秋水思菰蒲掉頭一竿清潁尾琉璃萬
頃堆西湖憶昨聽爾御風操山泉決溜松風呼黃
鵠山頭一握手戴公往蹟今有無山中舊約息壤
在相看一笑言非疎舊在京師聽公載彈御風操贈詩有與君更作他年約黃鵠山頭訪戴行之句壬寅果相遇黃鵠山下此亭甚奇濤頭如山五馬渡酒酣夜別黃公

壚平山堂上望汝潁恨無好句追歐蘇昔與汪晚

程則可共槃礴看君寫作蘇門圖怪石槎枒樹蕭瑟
醉墨絕似雲林透嘯臺鸞鳳儼在耳安知嵇阮非

吾徒聞君近散萬金盡便衣埽塔辭妻孥山中有

漁洋詩卷十四

十一

鄰德不孤蘇門先生今大儒夏峰村邊看秋瀑雲
中髣髴開精廬尋源采藥去不返空留鳥跡巖間
書廣陵西望連孟諸倘逢樵叟一相評山中服食
今何如

鑿江舟中與鄒大觀彭十題句有懷

紅葉秦谿路人歸屬暮秋春帆下胥浦子夜夢鹽
州佳句吳楓冷彭詩云霜信冷吳楓寒江楚塞愁鄒陽同憶汝

三歎軫離憂

歲杪真州南郭憶與家兄別于此

東風嫋嫋百尺帆珠金沙上春欲酣行人旌節返

天北至今離緒縈東南舊曾別處好風景遠山插
笏江拖藍行年三十重離別況復情同七不堪

太液兄家舊藏倪元鎮畫有題云蕭蕭風雨
麥秋寒把筆臨摹強自寬賴有□君相慰
藉松肪筍脯勸加餐此詩甚佳而雲林集
不載今年偶得松圓老人畫愛其風格不
減雲林因用其韻題于左方

輕螺如髻秀堪餐新柳微黃晚漲寬應有扁舟天
上座鯨魚吹雪一江寒

方山道中二首

漁洋詩卷十四

十二

沙尾千竿竹青江一葉船春潮來建業暮雪淨長
于箭筍初抽玉刀魚不計錢明朝沽酒去取醉冶
城邊

前山白雲外繚繞一江橫漁舍參差見風帆自在
行煙花憐故國湖海寄浮生洗盞船頭坐一聲沙
鳥鳴

瓜步晚望

西日低銜瓜步鎮亂鴉飛去石帆山支頤獨眺江
南岸龍虎銷沉悵等閒

癸卯除夕得林翁茂之金陵書適讀虞山先

生列朝詩選載新安吳非熊萬曆甲辰同
翁遊武夷山詩計至今甲辰六十年矣感
成一首附書為答

文獻今誰在先生古道存高眠數人代只似閱朝
昏約我秦淮水新詩共討論幔亭追往蹟下界已
曾孫

讀范德機到官詩可使文人有愧辭用其語

戲題一絕

可使文人有愧辭韓歐坡老是吾師四年只飲邗

江水數卷圖書萬首詩

韓忠獻公歐蘇二
文忠公皆守揚州

帶經堂集卷十四

帶經堂集卷十五

歙門人程哲校編

新城王士禎貽上

漁洋詩十五

甲辰稿

望雞籠山雪寄杜二

天半雞籠雪
遙遙逸興偏
春陰寒未散
雲壑更相
鮮不辨
谷中樹應添
巖下泉
因懷杜陵叟
拾椽此
中眠

覽湖舟夜讀渭南詩集偶題長句

少陵不作昌黎死
大峨仙人落僊耳
渭南老子來
堂堂鬱律蛟龍蟠
筆底半世功名梁益間
拓彊橫
稍劔門關
白頭鏡水江湖夢
夜夜山南射虎還

三五七字

漁洋詩卷十五

一

秦郵雜詩八首

夾岸人家短竹籬
鴨頭新綠雨如絲
幾年寒食秦
郵路拂画楊花被酒時

國士無雙秦少游
堂堂坡老醉黃州
高臺幾廢文

章在果是江湖萬古流

時予方修文游臺成

露筋祠前水拍村
平湖水暖生蘭蓀
靈風斜日畫
旗卷時有神鴉歸廟門

濤聲東走海陵倉
蛾子紛紛割據場
三百年來陵

谷變居人猶是說張王

張士誠元末據此

百年樂府說西樓更有南湖擅此州淮海以來二

三子不教鄴杜獨風流

西樓王粲南湖張縱皆邨人

三十六湖如玦環青蘋風起白銀灣紅橋四百姑

蘇郡徑合移來著此間

前溪柳色碧沉沉醉寫新詞付阿音法曲淒涼鬢

絲改畫衣何處舊泥金

小桃初紅柳垂陰甃社湖中花水深鷗頭十五竹

枝曲不聽歌聲何處尋

茅山進香曲四首

揚俗舟人歲以三月進香茅山戲爲作進香曲

家住茱萸灣復灣年年三月上茅山白沙江邊吹

三九廿四

漁洋詩卷十五

二

笛去赤山湖上賽神還

遙指三峰次第青五雲深處擁雲軒後啼日暮神

靈雨知是茅君欲現形

雷平峰前雲氣開池中隱約起風雷何人戲取華

陽劍真割乖龍左耳來

江淮兒女愛孤篷水宿烟餐西復東但祝茅君賜

安穩年年不怕石尤風

冶春絕句二十首

同林茂之前輩杜于皇孫豹人張祖望程穆情孫無言許力臣師六修禊紅橋

酒間賦
冶春詩

今年東風太狡獪弄晴作雨遣春來江梅一夜落

紅雪便有天桃無數開

野外桃花紅近人穠華簇簇照青春一枝低亞隋
皇墓且可當杯酒入脣

紅橋飛跨水當中一字闌干九曲紅日午畫船橋
下過衣香人影太匆匆

東家蝴蝶作團飛西家流鶯聲不稀白苧新裁如
雪色潛來花下試春衣

揚州少年臂支紅桃花馬上柘枝弓風前雉雛雕
翎響走馬春郊如卷蓬

錦帆何日到天涯宮監來時事可嗟幾處淒涼作
寒食酒痕狼籍玉勾斜

二方九土

漁洋詩卷十五

三

三月韶光盡不成尋春步履可憐生青蕪不見隋
宮殿一種垂楊萬古情

算公三過平山下白髮門生感故知欲覓醉翁呼
不起碧虛樓閣草離離

東風花事到江城早有人家喚賣錫他日相思忘
不得平山堂下五清明

坐上同矜作達名留犁風動酒鱗生江南無限青
山好便與諸君荷鍤行

海棠一樹澹胭脂開時不讓錦城姿花前痛飲情

難盡歸臥屏山看折枝

筇杖方袍老謫仙威儀猶復見前賢蓬萊三度揚

塵後坐閱春光九十年

謂林翁

當年鐵礮壓城開折戟沉沙長野苔梅花嶺畔青

青草閒送游人騎馬回

錢唐張聶詩絕倫

祖望

雍州孫郎筆有神

豹人

雲間洛

下齊名士

許力臣師六兄弟

白嶽黃山兩逸民

程穆倩孫無吉

杜陵老叟窮可憐猶能斗酒詩百篇今朝何處壚

頭臥知有人家送酒錢

于皇有約不至

彭澤豪華久黃土梁溪歌舞散寒烟

張御史達泉彭澤人鄒副使愚谷梁

漁洋詩卷十五

四

三十一
路入林翁酒間述少見二家聲伎莫修之樂今俱衰歇矣

生前行樂猶如此何處看春

不可憐

華林馬射事成塵遺老漂零折角巾

庚開府有三月三日華林馬射賦林翁家

寂窳園林花覆苔停橈休遣櫂歌催桃蘇髻子新

梳掠三五池亭鬪草來

故國風流在眼前

離山寒食泰和年

元遺山濟南詩句

邗溝

未似明湖好名士軒頭碧漲天

時祖望談吾郡山水之勝名士軒在明湖曾子固守郡時

所作

永和之歲暮春月王謝風流見典型好記甲辰布

衣飲竹西亭子是蘭亭

陸放翁心太平菴硯歌為畢刺史賦

媼媚散花峽艱危道士磯放翁過此留清辭何年
片石墮寥泬龍堂荒忽蟠蛟螭先生當年西入蜀
迎風十丈擎黃旗下牢夔門波浪惡白鹽赤甲天
下奇轉入興元瞰河渭山南射虎黃雲垂大散關
頭見烽火賦詩草檄如星馳此硯爾時伴戎幕賢
於十萬熊羆師鶯花海中九年住春江醉卷千玻
瓈錦官城裏蘋風閣百觴萬首爭淋漓此硯爾時
廁高燕飽霜千兔相追飛先生老矣竟東下鏡湖

三万翠八

漁洋詩卷十五

五

支枕看風漪但餘此硯共幽獨猶能起賦從軍詩
紹興淳熙一片石流傳異代誰使之曾窮梁益掠

吳楚

放翁金崖
硯銘中語

吾曹想像空嗟咨畢侯家近鬻堂側

草生書帶紛葳蕤劍南一卷不離手興來春日吟
茅茨攜渠歸去坐懷古定有雲霞生墨池

送孫無言歸黃山四首

昨夢黃山碧溪月白雲三十六峰深朝來却送滄
洲逸興發還為吳會吟

未能采藥入青城且傍浮丘畢此生知君西渡松

明水已有羣仙抗手迎

硃砂湯口三千頃石筍凌空一萬株更問黃山奇
絕處天都瀑布勝匡廬

廣陵市上賈人子袞袞錢刀劇可憐怪爾山中紫
芝客閉門高枕夢游仙

春杪登平山堂眺江南山

鱖魚出水浪花圓北固樓前四月天却憶戴顓山
戶裏櫻桃風急打琴絃

送彭十駿孫游嶺南二首

白舫青簾好賦詩石羊關外極天涯一江新綠看
榕葉七月輕紅擘荔支霸業銷沉餘舊壘戰場蕭

颯拂殘碑投詩莫弔降王長試向高涼酌洗祠

南方草木狀難陳為待彭郎賦筆新紫棧熟時蠻

峒喜紅蕉花後穗城春晴江孔雀驕憐尾嶺樹楓

香老化人若聽鷓鴣行不得越王臺上定霑巾

再送彭十二首

大姑彎彎眉黛長小姑窈窕宮亭粧三日潯陽風
信到雙姑早晚嫁彭郎

萬里南荒弔尉佗芭蕉林裏越禽多好將延露新
翻曲乞與珠娘蹋臂歌

廣霞山人御風圖歌為余澹心作

我聞廣霞山迢迢凌玉清相傳九日之所出上真
五老司晦明山人何人乃居此手排閭闔誅上征
蜺旌雲旗導先後豐隆列缺相逢迎天風逢逢起
北海玉清之山竟何在山人偃蹇凌九霞笑指滄
桑幾千載崑崙奴子頭虎毛捷如鷲鳥奔生獠眼
中咫尺窮碧落六博方罫同遊遨朝晞搏桑暮南
巢萬年遊戲同松喬山人本自松喬匹畫師亦自
長康筆何時林屋探金庭與汝逍遙散愁疾

真州作二首

鱖魚風送滿城郭鶯啄含桃紅玉圓苦筍莢芽相

三五七

源洋詩卷十五

七

映白一杯坐愛夕陽天

曾道元暉繼阿章楚山入畫遠蒼蒼白沙江上分
明見不少鵝溪萬丈長

古意

思婦盤中織錦文關山蕩子學從軍兩行銀雁低
殘角萬里金河卷塞雲上計應憐秦氏掾元戎不
羨竇家勳石州水調涼州曲夜夜空閨笛裏聞

真州有懷家兄西樵

依然山郭與江樓長夏蕭條只似秋十里香生芡
荷水亂蟬聲送木蘭舟試尋戰壘連京口無數雲

山指石頭曾與坡公吟賞地對牀風雨戀真州

秦淮泛月宿青溪有寄三首

移船就明月鼓檝泝淮流明月雲中出流光水上
浮三更吹玉笛銀漢瀉涼秋長板橋頭柳誰家尚
倚樓

江南秋月好況復青溪曲素月展金波溪光漱寒
玉所思渺何許今宿宿華林莫問離人思清淮深
復深

一宿青溪柵還悲張麗華黑頭江令宅亦作段侯
家壘號韓擒虎商歌玉樹花都將東郭筆寫恨寄

漁洋詩卷十五

八

天涯

故中山西園

上公邱第舊西園水石蕭然絕世喧無復秋蘭被
長坂祇餘修竹映朱門蕭曹事業終歸盡江孔文
章莫更論日暮風煙愁客思冶城南是謝公墩

臺城懷古二首

覆舟山畔古臺城故壘參差觸目驚蔓草縈烟野
蕭瑟寒禽將子水縱橫紫雲黃鵠符終驗白馬青
絲織又成千載華林宮館路清明時節野棠生
傳檄風生南雍州蕭郎三十冠諸侯蘭陵家國偏

多故荆楚干戈且未休
遺老空聞龍瀆語
荒原都作雉
煤秋可憐
代景行師
日水到青塘
咽不流

登雞鳴寺

雞籠山上雞鳴寺
紺宇凌霞鳥路長
古埭尚傳齊武帝
風流空憶竟陵王
白門柳色殘
秋雨玄武湖波澹
夕陽下界銷沉陵
谷異楓林十丈晚
蒼蒼

雞鳴寺眺後湖二首

禁地傳清切
依依白下城
恩波連太液
別苑起昆明
野水鳧鷖遠
斜陽菡萏生
不須搖落日
陵谷已含情

二方各一

漁洋詩卷十五

九

魚鳥華林路
亭泓復此湖
三秋人易怨
八代感何殊
蕭寺寒聲急
鍾陵返照孤
塘蒲今已晚
憔悴庾肩吾

山行至靈應觀憩烏龍潭上

斜陽下江渚
曠望石城頭
萬里長風至
憑高聞遠流
雲中辨檣櫓
煙外識汀洲
坐俯澄潭色
還為永日留

烏龍潭

杖策陵岑椒
空潭暫游目
四山積空翠
一水蕩寒淥
秋色澹楊柳
映波如膏沐
輕飈悴菡萏
散作迴

塘綠潭南多隱居茅茨帶水木罽罽吹落花蠅蛸
網新竹雲景翳林園鐘磬闕幽獨平生畏城市蓬
藿思空谷儻遂一丘心詎羨八州督

題秦淮水榭

水簟湖牀水上頭起看纖月映淮流三更入破誰
家笛子夜聞歌何處樓澹澹星河耿斜照娟娟風
露作新秋謝郎今夕思千里獨對金波咏四愁

卞公墓下作

松柏何蕭蕭云是卞公墓背踞冶城顛前臨大桁
路緬昔永嘉時流人競南渡舉國扇清言作達相

三百卅

漁洋詩卷十五

十

矜慕惟公執鄙吝巖巖如峰距一朝荒倉來旌飛
歷陽樹取節慚王公種薤笑諸庾堂堂卞將軍授
命青溪渡父子忠孝俱大節光國步快意溫平南
屨及雷池成一戰翦長鯨鐘簷仍如故握爪識忠
貞死綏表風素英爽載雲旗陟降神靈雨咫尺素
司徒異代同金鑄

題靈谷廢寺

爲愛蔣山山色好筍輿終日不逢人杖藜入寺花
扶屐巖谷迎秋雨墊巾王舍城中荒草徧樂游原
上野麋春誌公衣履今還在苑外悲風臥石麟

尋半山堂遺址

舒王歸臥後卜築蔣山邊騎驢衣掃塔來往定陵
前空山無舊業敲澗但懷煙太息元豐事江城聞
杜鵑

蕭思話彈琴石

宋代蕭常侍彈琴於此山清徽汎松石逸響碧雲
間我欲尋遺跡風流不可攀惟餘遠江水朝夕送
潺湲

宿長干寺

支公邀我宿清夜開南軒龕燈照維摩跣趺寂無
言下簾啓北牖山夕煙景昏中夜微風作涼雨灑
林園宿鳥稍驚起時聞嘉樹喧枕簟生夕涼鑪香
歇微温勞生疲津梁聊息應對煩

雨入高座寺

山雨滴清曉山僧門未開六朝高座寺千仞雨花
臺近壑流清梵長廊覆碧苔偶然問禪窟詎似鬪
塲來

瓦官寺

江色斜陽下來過古瓦官勇如驃騎少
阮思曠戲何驃騎
騎勇邁終古
乃鬪
作佛
癡似虎頭難梵響流空寂松聲覆殿寒逍遙

能解否試問道林看

鳳凰臺

青蓮高詠處但有野桐林不見三山色空傷六代
心

六朝松石歌贈鄧簡詩

壽陽太史好奇古邀我來觀六朝之松石不辭重
墊一角巾此生當著幾兩屐入門大叫走欲顛袍
笏淋漓狂太劇蟠根近連瓦官寺吹香正鄰虎頭
宅蒼皮黛色摩青銅老幹樛枝拓金戟蕭梢上摩
白日暗輪囷下瞰蒼煙積千年為鑿誰得見已有

漁洋詩卷十五

十二

脂香化靈珀石勢嶙峋不相讓元氣盤盤絕繩尺

蒼苔剝盡元祐字

石有溫公題名

劫火不受陳宮厄

陳叔寶三品石

終

南太華若在眼咫尺壺中苦崩迫誰遣史書宋星
隕將無神受秦鞭斥晦冥豈非鬼物庭風雨當防
巨靈擘王謝衣冠失江左齊梁人代成今昔建康
宮殿幾青燐此石此松閱朝夕一物亦荷皇天慈
懷古茫茫百憂集擊琴欲罷且高吟謾謾寒風灑
巾幘

答朱錫鬯過廣陵見懷之作時謁曹侍郎于

雲中

桃葉渡頭秋雨繁喜君書札到黃昏銀濤白馬來
胥口破帽疲驢出鴈門江左清華惟汝在文章流
別幾人存曹公橫槊懸相待共醉飛狐雪夜樽

金陵曉發

月落驃騎航潮生鎮西宅濛濛遠林樹煙景紛如
積烟際下漁舟樹杪帶行客何處金陵思秋江葦
花白

夜登觀音巖弘濟寺贈終南融道人

登臨建業暮鐘時楚客憑高一寄思森森寒潮孤
鳥去冥冥微雨數帆遲遠江人語驚山鬼方丈燈

漁洋詩卷十五

十三

明叩導師借問龐眉老尊宿空山雨雪是前期

泊朱家嘴

纔聞弘濟鐘忽見方山樹白浪何茫茫寒蘆自相
語旅客不成眠卧聽空江雨

帶經堂集卷十五

帶經堂集卷十六

歙門人程哲校編

新城王士禎貽上

漁洋詩十六

甲辰稿

陳生行戲送其年歸陽羨

陳生陳生爾旣不能入淵斬長蛟又不能登山射
猛虎復不能以賴作橫苦鄉里十載哦詩守環堵
徒抱輪囷一片心藜藿黽馳相枝拄昨日渡江來
今復渡江歸運租船上苦憔悴風高浪湧橫江磯
朝來寄我新詞句明月無情蟬鬢去五湖歸去伴
漁竿楓岸蘆汀不知處季鷹鱸膾思江東我亦年

漁洋詩卷十六

一

年歎轉蓬期汝扁舟同射鴨銅官山下竹枝弓

黃文在至自宛陵始得愚山辛丑溢口見懷

詩奉答

不知何處碧雲思水落巴丘雁到時黃木江前三

百字春陵心事杜陵詩

愚山寄禪子嶺歌等數篇古雅
悱惻元道州春陵行之遺也

送汪季角之宛陵

汪生開美度詩似謝元暉解道澄江練知音絕世
希陵陽秋色遠春穀晚鐘微相送揚州郭蕭蕭南
雁飛

寄懷許三竹隱思州

別君五載洞庭秋思逐飛蓬賦遠遊藥物時應防
瘴癘才名空是動邊州江山萬里摩圍閣雲樹三
春甲仗樓寄語黔安老居士好傳清咏化蠻謳

用韋寄全椒道士韻追贈全樹吳先生國器

全椒有五吳君其四皆進士高第仲獨山中學仙叔編修季給
事兩君者皆與余交好順治庚子辛丑間嘗戲謂編修君當擬
韋蘇州全樹道士詩寄贈忽忽忘之今康熙甲辰仙人已化
去兩君皆官京師而予尚居淮南追憶曩昔之語遂成此篇

先生謝人世道遙友園客時登雲外峰自掃峰頭
石山深不知晚采藥恒日夕興盡下山時杳杳麈
麈跡

懷伯璣南昌二首

漁洋詩卷十六

二

當代陳無已栖栖竟白頭三洲歸作客五字遠工
愁溢浦風潮滿庄山木葉秋經年斷消息何事只
淹留

公子秦川貴飄零感盛時田園非阮曲別業寄鳩
茲擲拂名僧對吟詩小婦知秦淮舊風月衰柳幾
行垂

將往金陵辟疆攜歌兒見過同坦菴先生于

皇邵村不雕文在小集作

天涯倦客此宵同銀燭湘簾五夜風殘月空堂弦
拉雜早潮江岸唱玲瓏鶯花上日連秋社絲竹中

年感謝公明發白沙洲上櫂橋林楓葉雨濛濛

夜泊江口聞笛寄家兄四首

雲水正寥落笛聲何處生颯然秋思滿不覺有離
情涼月閣邊水西風江上城何須武溪曲辛苦怨
南征

揚子江頭月流光千里餘美人臨水別隔歲幾行
書霜落吹羌笛煙深聞夜漁調高風籟寂流怨滿
空虛

半夜蒼龍吟能傷楚客心離人歌水調清怨激楓
林估舶不能發江波此夕深夜寒沙雁起縹緲竟

難尋

李暮天寶伎裂竹老龍驚此夜瓜洲渡風高白浪
生精靈泣相語雲月皓將盈入破那能寐依依隴
水清

江上讀韋詩作二首

彈琴向空江夜靜見江月水波正遙裔河漢坐起
忽五絃泛波濤餘音散林樾沙遍鶴唳遠煙中人
語歇何處楚山青孤帆遠將沒獨有韋郎詩依依
伴清絕

嚶嚶水雲外肅肅沙禽飛焚香展瑤席風露霑人

衣幽懷感湘靈環珮雲中歸遠志希嵇阮近思慕
陶韋

蕭尺木楚詞圖畫歌

大江秋老歌離騷江波瑟瑟風刁刁怪石龍從壓
崩濤猩猩嘯雨悲猿猱楚纍一去二千載使我後
死心勞切齧桑敗盟西帝驕商於六百橫相要武
關一入一不復返章華臺殿生蓬蒿江潭憔悴子蘭
怒蛾眉謠詠羌安逃長楸龍門望不見木蘭桂樹
棲鴟梟騏驎不御愁跼跳跳菘菹薊藜糝申椒呵壁
荒唐罷天問沅湘西逝魂難招蕭梁王孫筆佹僂

漁洋詩卷十六

四

攀挈碩陸提僧繇丹黠粉黠寫此本墨花怒卷湘
江潮湘君夫人降荒忽國殤山鬼來蕭颺青楓斑
竹染啼血靈風神雨紛飄飄酒闌歌罷老蛟泣星
辰迸落江天高

瓜步鎮渡

秣陵方悵望瓜步屢洄沿漁浦連江口歸潮落渚
田風帆入空靄雲木秀通川一聽濯纓曲深知漁
父賢

宿弘濟寺

名監敞積翠遙夜開禪關山半聞清鐘夢覺心亦

閒飛雨灑江介流雲滿空山五載復投止塵勞慚昔顏

題弘濟寺方融道人壁

曾挈軍持伴領軍五年重訪鹿麋羣天花尚散空
江雨龍氣仍蒸下界雲緝拂不辭衝虎過梅檀常
是逆風聞聽鐘又逐驚蓬去山木蒼蒼落日曛

渡江中流作

擊汰金陵岸溶溶曉氣分潮迴落沙嶼帆遠入江
雲霽景中流見秋風天外聞時清餘戰壘重弔水
犀軍

二言上无

漁洋詩卷十六

五

皇廠河道中二首

繫纜臨江許浴洄復幾重沙鷗荷港雨水牴柳塘
風潮汐時皆應烟波態不窮欲從詹尹卜來作祝
雞翁

雲影稻畦浮清泉更曲流江鄉宜晚照水草入涼
秋沙鳥飛還歇菱絲散復留漸臨瓜步岸花外幾
漁舟

瓜步道上感成寄西樵先生

烏柏紅梨漸有霜雲山頽澹滿斜陽一行新雁滄
江闊十里西風杜若香飽及朱儒臣朔死放來正

則子蘭狂與君南北愁俱老下澤何年返故鄉

寄其年

陳生湖海士搖落更相思成佛先靈運前身是總
持窮途聊慢世曠代一稱詩太息銅官下迎寒葺
舊茨

和西樵古風八首

祁射毀唐姑上官讒靈均直道不見容坎壈纏其
身昔者魯仲尼虎兕悲在陳反琴兩柱間修樂忘
苦辛至哉大聖言諸子皆幸人

幽蘭在深谷無人自芳菲過時不見采嚴霜將悴
之何況當門忌鉏刈方見施蘼蕪羅堂下苦桃列
中達昔為王者香今同秋草萎

漁洋詩卷十六

六

吳王登狙山羣狙皆避徙一狙獨委蛇伐巧搏捷
矢再射巧有餘三射遂執死聰明適自煎何事矜
僂詭所以顏不疑歸師董梧子

盜跖視伯夷誰為貪與廉步光語鉛刀誰為頓與
銛陵陽別楚國墨翟突不黔貳負被桎梏胥靡亦
髡鉗忍辱希仙人寵下師老聃

西登九折坂險徑極羊腸南顧三江流懸水千仞
強豺虎嘯箐林巔巔來無方一為篁篋謠使我心

煩傷忠信錯吾軀可以涉呂梁

東髮好奇服遠遊慕神仙長佩何陸離岌岌切雲冠仁羿非凡流遊戲崑崙顛白日忽已晚中道成迤邐雄虺九其首踈踴當我前猛虎善噬人不避豪與賢嗟哉不可遊歸歟問筵篔

側聞大荒中有山曰門戶曰醴復有綦縣連競相附我欲登此山捷徑窘恒步迴車長太息徘徊首東路

鄭季有孽子少小為人奴騎從平陽主給事建章居朝拜大將軍封侯詫鉗徒遂復還尚主賜第耀

漁洋詩卷十六

七

通衢隴西老飛將素臂雄萬夫白首不得侯心折莫府書誰能對刀筆臨風自捐軀天道有如此千古同歎獻

枕上聞雁懷家兄二首

年來畏作寄兄詩吟不成聲萬淚垂信有車輪腹中轉誰憐石闕口銜悲緜緜夜雨傷神日寂窳高齋聽雁時午夜旁皇攬衣起附書一寄老坡知

重陽風雨又漫漫揚子潮迴木葉殘問事經時稀北客思兄何日脫南冠黃楊巧厄偏逢閏松柏難彫且耐寒最苦魂飛湯火日淚痕持寄卯君看

九日送程五周量之京因寄家兄

嶺嶠頻聞未息兵故人相見喜還驚飄零舊侶今
餘幾風雨重陽又送行身滯五年淮海路魂銷三
別廣陵城憑君寄語東坡老淚盡連宵北雁聲
得朱修齡彭城書評家兄消息

忽見彭城使相思一寄聲逍遙堂後木知我此時
情

召伯斗野亭懷古寄于皇

蘇公與少游葦
老諸公賦詩地

斗野亭前望平楚依然遠碧水連空羣賢翰墨思
元祐六代風流續謝公蟹舍蕭條楓柏外漁蠻烟

漁洋詩卷十六

八

火荻蘆中詩成吟望無人會寫寄黃州杜水東

于皇

詩馮翊骨與青山誓
老號詩人杜水東

舟中即目寄招西樵先生

時初蒙
恩宥

慚愧滄洲漁父賢枳花門巷枕清川翁孫竹向沙
頭長子母鳧來舍後眠何氏弟兄今已老柏臺魂
夢苦相牽須知菰米江東美待咏槎頭縮項鱖

過禪智寺

曾詠南風草木香顙公名與碧流長誰能更拾吹
來句自聽鐘魚到上方

憶明湖

一曲明湖照眼明
越羅吳縠翦裁輕
煙巒濃澹山千疊
荷芰扶疎水半城
歷下亭中坐懷古
水西橋畔卧吹笙
鵲山寒食年年負
那得樵風引櫂行

題豹人小像

絕磴長松不世情
科頭箕踞一先生
胸中磊塊無人語
落落琴聲大蟹行

義羸行

張行人鶴洲訟繫西曹以常所乘羸抵浦于人羸悲鳴不食一日墮其新主自逸歸家兄與張子同患難目擊其事感之作義言羸行予屬和焉

我聞名駒太乙生
渥洼又聞皇人之馬歎
玉沙汝羸品流不及此
乃能與人同生復同死
新主甲第

漁洋詩卷十六

九

高峨峩黃金作埒
白蜃珂舊主失勢困泥淖
但有青蠅日相弔
寧教困餓烏啄瘡
不忍雕鞍繡轂交
輝光吁嗟羸乎羸乎汝
知免獨不見素粲門生不
如犬

題半山道人畫呈愚山

蘆荻沒寒煙
空江正蕭槭
何處扣舷人
知是陵陽客

黃子久王叔明合作山水圖歌

附黃王二跋

有客示我七尺練
云是黃王之合作
粉墨駁蝕神淋漓
巖谷高深氣盤礴
長林巨壑來畏佳
飛鳥流

雲去寥廓空堂白晝生風霆飛瀑千尋競噴薄老
松撐突夜叉臂怪石縱橫鵝鸛啄澹如閒衲洗盃
坐怒如將軍拔劍斫石稜松鬣若無路忽向青冥
得樓閣峭壁無梯爰臂絕天外孤茅誰所縛將無
洪谷與關種筆有琴心師賀若滿堂動色神悄然
題字依稀辨黃鶴吳興清遠鷗波亭家法賢甥宛
如昨意匠慘澹經營成范緩倪迂大張拓富春老
人年九十煙雲供養窮三樂扁舟訪舊雪川來偶
從縑素論丘壑為添樵徑羸髻旋遠峰一角空中
落遠人無目樹無枝妙解通靈失糟粕吳興富春
幾百年此意天然殊斧鑿山人癖如阮宣子蠟屐
猶堪代芒屨惜無劉尹買山錢苦向畫圖耽寂寞
此中三日容坐卧便擬拂衣永棲託明年借汝春
畫閒梅老無花竹生籜

漁洋詩卷十六

十

僕暇日為郡曹劉彥敬畫竹趣圖甫畢而一峰黃處士見過僕出此
求印正處士以為可為添一遠山并樵逕天趣迴殊頓增深峻矣時
省郎耿君督兵華亭索僕畫甚急思拙筆弱
頃刻不能就因輟此奉獻吳興王蒙謹題
叔明公子文敏公之外孫也天姿神品其于翰墨深入晉唐至于
鑿裁尤所精誦鷗波之宅相非子而誰邪至正壬辰冬口人公望拜

錦秋湖竹枝三首

鵝鴨城邊望不稀汀洲水長荻芽肥慕容事遠傷
春目斜日金鷺接翅飛

錦湖水色勝湘湖，雉尾萼羹玉不如持謝江南陸。
內史酪漿還得似渠無。

不論煙糧與霜篷，帆力真禁八面風。北豸南鱸誰
辨得，憑君博物注魚蟲。

白沙江上雪却寄家兄揚州

停舟揚子縣，支枕夜寒侵。人語烟初暝，雞鳴雪漸
深。江天多曠望，漁浦極楓林。不見梅花閣，煙波愁
暮心。

鑿江大雪歌寄家兄即用家兄敖陽雪中放

歌韻

漁洋詩卷十六

十一

夜聞歲鼓曉瀼瀼，衝寒四顧江天朗。雲氣欲壓揚
子津，濤頭直突仙人掌。平生愛雪勝瓊貝，況復橫
江菽。奇賞朔風獵獵犯貂裘，急霰霏霏灑烏榜。大
澤蛇龍避寒蟄，高天鷗鷺盤空響。江南羣山張畫
屏，玉笏嶙峋衰百丈。隔江心馳茅山洞，咫尺波濤
絕。來往遙憶茅家好，兄弟驂鸞騎鶴三峰上。學仙
不能且學劍，耳後風生致慨慷。西郊大道接礪礪，
霹靂鳴弓穿宿莽。玉躡神駒氣清峻，金毛湖鷹颯
蕭爽。雄狐狡兔那得避，雨血風毛灑原壤。橫吹聲
中歌競病，據鞍盤稍真。吾黨歸來一笑臥，煙篷浙

浙江風吹五兩

真州北郭即目

同雲壓江城曉出真州郭郭外斑竹林風吹殘雪落

魏帝賦詩臺

在儀真北三里

城子山邊欲雪時賦詩臺畔起愁思五官只自臨江歎笑斂孫郎帳下兒

曉次盱眙用韋韻

宵征望烟火際曉投山驛漁市連浦橋風帆競朝夕山從淮楚青水下荆揚白誰識越鄉心栖栖廣

漁洋詩卷十六

十二

陵客

盱眙懷常尉建

昔賢矜拄笏偶寄一微官小邑如山塢高名薄建安夕鐘千澗靜春雪九峰寒一勺玻璃水懷人向夜闌

縣有玻璃泉

南將軍廟行

在泗州南公齊雲乞師處

范陽戰鼓如轟雷東都已破潼關開山東大半為賊守常山平原安在哉睢陽獨遏江淮勢義激諸軍動天地時危戰苦陣雲深裂背不見官軍至誰歎健者南將軍包胥一哭通風雲抽矢誓仇氣慷

慨拔劍墮指忠輪困賀蘭未滅將軍死嗚呼南八
真男子中丞侍郎姚公閻也同日亡碧血爛斑照青史
淮山峨嵋淮水深廟門遙對青楓林行人下馬拜
秋色一曲淋鈴萬古心

蓮塘薄暮懷石步黃子

薄暮蓮塘驛山家正夕炊憶君殘雪外匹馬向鐘
離

戲贈虎兒

兒子涉小字三歲能誦唐人詩數
十首句勳兒與子戲為詩贈之

渠爺端合為詩窮喜汝吟詩繡襦中但得他年似
宗武老夫甘作杜陵翁

二五廿六

有憶

漁洋詩卷十六

十三

促疊蠻鼉漏滴壺紅鞞十隊舞氍毹狂夫閱盡南
朝豔不抵西樓一斛珠

奉酬西樵先生閣夜聞鶴垂示之作

楚江煙鶴鳴風雪蕭蕭夜十載別離心相對寒燈
下

帶經堂集卷十六

帶經堂集卷十七

歛門人程哲校編

新城王士禎貽上

漁洋詩十七 乙巳稿

人日登真州天寧寺浮圖懷李退菴侍郎 時李

方屬疾

踏閣攀林到上方振衣千仞俯蒼蒼江皋騁望傷
春日人日登臨憶侍郎枚叔才情傳七發楚臣清
怨極三湘 李有憶洞庭詩最工 何時問疾來方丈乞取天花作
道場

讀費密詩

漁洋詩卷十七

一

成都跛道士萬里下峨岷虎口身曾拔蠶叢句有
神大江流漢水孤艇接殘春 二句密詩 十字須千古何為
失此人

送家兄西樵游黃鶴山

抱琴向黃鶴言訪戴公家山路霽春雨遠江明落
霞風吹石楠樹露泣櫻桃花明日西津渡從君問
釣查

家兄信宿焦山有寄

聞君游松寥託宿招提境佇待江湖生茶香酒初
醒松風流夕梵蘿月散清影暝坐歸鳥稀晚飯鐘

魚靜昔游不可忘夢向焦仙嶺

焦山古鼎詩三十四韻

曉入枯木堂怪禽驚翩翩清露滴松杪下見古鼎
蹲寶光耀昆吾中有飛廉魂上文為雷回下文為
雲紘獐狀饕餮伏兵氣蚩尤昏辛壬與丁甲世次
迷夏殷初疑周虎彝復惑虞雉敦尊從不可辨牛
豕誰能論瑰怪壓綠鼎譎詭旅紀獻蛟龍雜蚪蚪
五指不敢捫在胙想鼎鼎識字驚蜿蜒月黑鬼神
泣峽東波濤奔籀書失趨趨斯篆摧窺軋爰歷邁
府令凡將駭文園史游久已歿皇象不復存甄豐

源洋詩卷十七

二

與董道挾剔窮本根不遇博雅流孰為洗煩冤諒
比岐陽狩或同泗水淪山僧與道古感激聲還吞
分宜昔枋國氣勢傾崑崙斯鼎出京口上燭光網
緼役使萬指衆負戴千蹄健大哉宗廟器詎屑豪
貴門威力鎮禪窟窳冥歸祗洹午夜鳴鐘魚清晝
啼林援閱人恒沙劫如彼蝨在禪我昔訪焦先望
氣齡不言五年隔揚子無翻思騰騫吾兄癖好古
八書探河源三日松寥遊坐卧忘蹠喧扁列析螺
書卷尾搜薑文作為奇偉辭大海搏鵬鯤春江壯
風霆響激雲濤渾三歎繼高唱海門上朝暾

坡公送李孝博詩石刻在禪智寺斲仆已久
順治辛丑春禛曾步隄訪之和詩一篇四
年來欲收拾補綴忽忽未遑康熙甲辰冬
量移主客行有日矣念往事耿耿於心乙
巳二月屬宗定九往營度靈隱碩公適飛
錫于此以一偈垂示輒與西樵定九各拈
二絕為答并堅斯約清明前七日

寒山拾得真朋友無著天親是弟兄浩劫西來重
會合上方禪窟記經行

草深一丈法堂前片石山門委斲煙大有因緣公

漁洋詩卷十七

三

記取山櫻重向早春然

坡詩歸來春酒
凍共看山櫻然

為宗定九題張翀花卉

楚客寫香草汀洲蘭杜春芳香持作佩欲寄湘中
人

送家兄同無言游吳越二首

挂帆指吳會雲水空濛間上已美風景登臨散襟
顏湘湖尊正滑應上蕭然山共訪金庭宅淹留殊
未還

吾家王吏部江左有高名五字論詩品陰何欲比
清偶思鏡湖好忽作剡中行輸爾天都子逍遙訪

赤城

上已辟疆招同潛夫其年亦史山濤修楔水
繪園卽事十首

懸雷山前春瀑晴洗盃池邊春水生天氣殊佳臨
解楔酒人兼作摘船行延陵子房復不惡齊瑟吳
飲皆有情忽憶虹橋作寒食梨花千樹照蕪城
前年曾到湘中閣閣外天寒水方落西風颯颯
啾啾惜別懷君芳杜若今來三月青春深浯溪窈
窕桃花林為君一曲答欸乃寫作雲山韶濩音

碧琉璃上雙玉壺蘭橈宛轉浴春蕪未傳洛下羊

漁洋詩卷十七

四

酪法且醉淮南櫻筍廚射雉城中煙景暮流鶯喚
人且須住回頭笑謝襄陽兒詎可搖鞭背花去

平山堂下五清明

甲辰紅橋賦
治春句也

草長鶯飛無限情不

怪老顛裂風景名園上日相逢迎銀箏初彈阮初
擘此夕留髭應十石春衣明歲杜陵游憶汝狂歌
拓金戟

西豪里中訪老友况復陳生與我厚辟疆園敞羅
羣賢大兒小兒唱銅斗煙際鷓鴣一隻飛吳歌水
調欲沾衣風光如此不成醉帽影鞭絲何處歸

陳公家近罨畫溪溪邊花草令人迷離墨山中一

宵雨竹雞白鷗相應啼先生大隱隱城市萬壑千
巖牖戶裏花朝已過上已來日坐蜻蛉釣沙尾
迴溪綠淨不可唾碧蘿陰中擢船過落花游絲春
晝閒獨許先生此高卧劇憐風物共披襟蕭然絲
竹皆清音永和三日今千載坐使清風滿竹林出時

文衡山蘭

亭卷同觀

暮春三月為水嬉棠梨葉大山禽啼田家社酒壓
缸面雪白橙香玉練槥夜聽醪頭滴春雨曉報提
壺如潑乳醉鄉大戶百分空起喚花奴自撾鼓
咍衲一逕略約紅地肺疑與朱陵通沅湘春水蒲

三九四二

漁洋詩卷十七

五

桃綠江薜蘭杜愁烟空主人少年登嶽麓祝融峰
頭幾回宿七十二峰羅戶庭日汲湘潭然湘竹
西樵山人剡中去古蓋山人廣陵住漁洋山人來
東臯三日三唐對芳樹人生聚散不可忘且須痛
飲累百觴名山游罷共歸老笑玩麻姑手爪長

上已後二日吳陵舟中雨霰甚寒因懷家
大人與家兄已次吳江

小雪春陰水上城背篷獨聽短長更吳船此夜松
陵驛又過姑蘇一日程

寄家兄吳郡二首

解使良工鑄范蠡南陽一歎復何悲君行若過文
臺側持取琴歌問樂師

宿甲東行盡廢蕪掖門空怨夾田夫闔閭城外青
山路灑酒荒丘弔玉鳧

靈籬便面

朱竹屏山偃折枝春鶯百轉姪人時當年若與寧
王去未必心情似餅師

海陵重赴雒皋武林使行再寄西樵

離居幾夜夢錢唐驛路重過射雉塲江上青山連
越絕風前白袷緩吳裝煙迷遠水行人少柳拂叢

漁洋詩卷十七

六

祠春晝長西去廣陵三百里何堪東望語兒鄉

再泛水繪園看月作二首

林塘自幽映況復清夜月輕舟漾浦漱習習涼颺
發竹深禽響亂徑僻人蹤滅島嶼已千尋川涂更
百折月影散水木光景紛奇絕孤篷泊煙霜澄懷
抱冰雪我有素心友掩關事禪悅粥日消散觀
道離言說示我秋水篇邈然寄寥泝寺傳鐘魚
空山鳴蜻蛚流連印渚游惆悵林中別

修林帶高館巖壑相因依水波澹瀟照雲霞收夕
霏遙遙暝色來蕭蕭沙鳥飛永懷謝希逸望古歎

知希斯人不可作乘月扣舷歸

雨夜懷其年園居

久客春向暮歡游罷不適孤館歇清漏臥聞春雨
滴暗蛩吟幽草寒燈耿虛壁念我同心人咫尺何
由覲雨聲湖上來蕭條散蘆荻此時掩關卧應聽
林間笛

雨登湘中閣眺望

曠望臨清湘楚天夜來雨合沓連江潮空濛散洲
渚野鳧溼不飛墟落遠堪數漁榜沿迴谿停橈飯
孤嶼不見煙中人但聞煙中語

三冊

漁洋詩卷十七

七

詠史小樂府三十首

讀三國志

小平津

望望北邙坂黃蒿長似人夜來螢火暗失路小平
津

卿曹拜

欲得卿曹拜何妨破產求蒲桃元不惡一斛博涼
州

殺田豐

長揖橫刀出將軍一代雄頭顱行萬里失計殺田

豐

殺纏歌

祝刃復祝刃君聽殺纏歌瓜盧方一畝漢臘此中多

龐娥親

生女不如男所論非英雄不見龐娥親殺人都亭中

魏公奴

佞者東川至昌言玉版符不為劉氏客甘作魏公奴

赦雍齒

太息王髦劍前年殺孔融曾言赦雍齒地下愧素公

百七十三

漁洋詩卷十七

八

丹楊婦

一作崩城操三軍且莫哀丹楊使君婦縲經報讎來

卿慚長

可憐卿慚長陳德何涼薄不及朗陵公猶有荀文若

寄當歸

子義來江左青州名士稀丈夫死知己枉用寄當歸

歸

借荊州

將相江東美英風壓上流魯公最忠烈慷慨借荊

州

孫仲謀

猗兒健如虎高步跨江東孝廉殊斌媚人說紫髯

公鍾繇與曹丕書頌
念孫權了更斌媚

二喬曲

腹痛思前事分香惑後人二喬得佳婿不是洛川

神

一乃多七

漁洋詩卷十七

九

赤壁戰

赤壁戰堂堂綸巾繡衲襠元戎在何許願曲有周

郎

濡須督

濡須高會日諸將在轅門醉袒貂裘看斑斑刀箭

痕

半英雄

龍鳳全歸漢三分指掌中惜哉雒城戰失此半英

雄

滿伯寧

魯國真男子關西社稷臣阿瞞渾自可滿寵爾何人

趙子龍

大義辨國賊吾欽趙順平寧須法孝直方可制東征

將虎鬚

足堪加帝股故態笑狂奴何如朱盪寇直將大王鬚

華子魚

邴管持風節高名合作龍何人工賣國老竊博平

漁洋詩卷十七

十

封

淮南畔

已兆金墉禍天生賈豫州淮南有三畔大義照千

秋

費文偉

費公能辦賊嚴駕且圍棋賭墅東山者風流自汝師

兩酒人

生乞步兵廚死薤陶家側一時兩酒人亦足張南

北

阮嗣宗

阮公泯臧否龍德超嵇呂曼嘯離人羣蘇門尋白
杵

大討曹

石馬來張掖公然大討曹可知北部尉典午啓塗
高

青頭雞

今年賜劍履明年假黃鉞可憐青頭雞躊躇不得
數

拜三郎

漁洋詩卷十七

十一

益部下龍驤公孫讖不妨昨朝石印發天子拜三
郎

鍾會母

白帽滿成都鷓鴣飛且呼不知鍾士季何以報菖
蒲

綿竹戰

吳漢分龍虎終憐石子岡何如綿竹戰父子死堂
堂

陰平道

忽鑿陰平道中山王氣收英靈歸北地敗國恨誰

周

吳門袁重其過訪詩以贈之

河豚已過鮠魚來江帆五兩當風開
京江老獮別三歲一月無書心百迴
清晨打門報書至發函先識袁絲字
廿載人傳厨頤名和丸翦髮驚奇事
袁生袁生生不願作萬戶侯結交四海皆英流
子為名士母賢母此事足以光千秋洞庭之水三萬頃
中連四州涵溟滓我願此水化酒歸金罍持壽麻
姑駐光景懸孫家世忠孝俱此人三歎居菰蘆黃
梅雨近客衣溼畫舸尋君宿太湖

一乃七十六

漁洋詩卷十七

十二

帶經堂集卷十七

帶經堂集卷十八

歙門人程哲校編

新城王士禎貽上

漁洋詩十八 乙巳稿

真州天寧寺

修竹有微徑朝日莓苔痕塔影落煙郭經聲殷寺
門簷鈴風中語江燕雲際喧心清無住著遂契無
生言

慧日泉

禿鬢先生六百年清冷猶是映江天自憐五載真
州客初試東坡慧日泉

漁洋詩卷十八

登康山有感

山在揚州新城對山罷官後南游
江淮嘗彈琵琶於此山因得名

西望武功幾千里康山今日試登臨依依正憶年
中事咄咄東陽廢後心慢世風流傳頌曲憑高雲
物動霑襟浮名身後何須問一代康王並陸沉
謂漢

也

金陵道上

乍疎乍密袂針雨時去時來舶趨風五月行人秣
陵去一江風雨晝濛濛

牛首同方爾止

天闕迢迢畫不如松陰一道入清虛稻花風外聞

山磬田水聲中度筍輿白氎書藏雙樹裏赤頰僧
記六朝餘龍眠詩老能招隱兜率巖前擬卜居

登天闕望金陵懷古

我登牛首山天闕何屢屨上造青雲端下瞰無端
倪壯哉六朝都佳麗誠在茲龍虎氣盤鬱將相羅
雄姿緬思赤烏年爰逮太元時五馬浮渡江一馬
獨權奇桓桓始興公幕府陳軍麾懿此帝王宅雙
闕衛京師青山似洛陽大江環四垂智力邈千載
興廢如弈棋江山看不殊俛仰自生悲北眺元武
湖蔣山虧蔽之博望峙西南列戍多旌旗時清異
偏安憑弔將奚為落照橫江流萬里天風吹壯心
不可已淚下如綆縻

兜率巖鐵漢和尚所居觀戴務旃畫東峰

和尚

獨居巖上數十年以
二猿自隨不與人接

東峰插天半兜率極雲端坐愛楚江晚不知風氣
寒高僧去已久神異留人間蒼筤兩猿子夜月嘯
空山花蕊照苔壁藤蘿纏瓦官白拂猶挂牕斯人
幾時還戴生歷陽秀覽眺窮綠攀目注三山流毫
素生層巒朱夏凜冰雪青天起波瀾譬言如御風行
泠然天宇寬披圖一再歎落照迴禪關

一銜樓與爾止夜坐懷愚山臨江

牛頭高處宿初夏似涼秋蕭颯青林外西風月滿樓故人皖山隱高詠繼前修共憶蕭江客清猿起夜愁

棲霞天開巖觀禹碑

一線鼯鼯徑探奇策短筇鸞飄將鳳泊如在祝融峰

中峰澗二首

中峰新雨後石瀨濺人衣時復長松下山僧夜獨歸

三五冊

魚洋詩卷十八

三

石流經屢涉迢迢還獨往舉頭望中峰猶在青霞上

雨夜宿德雲菴

精舍千峰上禪關掩白雲下方羣動息風雨夜深聞瀑布遙爭落松聲溼不分却愁屐齒滑絕頂開氣盪

德雲菴曉起

宿鳥驚寒解報更夜聞林雨達天明迢迢絕澗千重瀑窈寂中峰一磬聲

雨中將往華山同爾止坐紫峰閣

寂歷山中雨僧房書掩門還來紫峰閣解帶共清
言危溜千巖落中峰一澗喧誰知江令宅今是給
孤園

華山道中即事

萬山堆裏看雲松曲崦幽溪復幾重為愛泉聲過
林去不知煙寺遠聞鐘

龍潭登舟棲霞僧相送

昨朝山中雨惆悵中峰別回望上方人雲嵐但明
滅龍潭復相送江晚潮如雪瀏瀏巖際風皎皎波
間月世外本忘情幽懷無斷絕終卜僧紹鄰長茲

二方五字

漁洋詩卷十八

四

味禪悅

江行回望攝山絕頂

順流快張帆北風利夕渡卧聞舟人語遙指棲霞
樹絕頂見茅茨正在雲生處昨為攜筇客心知籃
輦路復茲局務牽悵別青山去

尋舊院遺址

香豔銷沉盡空尋舊板橋人稀春窈寂事去雨瀟
瀟黃蝶飄寒圃青溪咽暮潮鷺峰寺前柳搖落亦
魂銷

淳化關道中望茅山

解組初辭郡離羣欲上浮懷仙來句曲采藥到茅
州東望朱陽館長思許遠遊何當餌南燭頽景駐
千秋

句容道中雨

江縣黃梅雨行人欲授衣秣陵殘照斂句曲晚雲
歸塵鞅何時返仙山遠更遠那能垂白鷁上薄玉
清飛

周郎橋

暮雨丹楊道蕭蕭送客裝斷橋連廢壘遺蹟感周
郎姓氏傳江夏山川遶建康名流江表盡佇立野

蒼茫

漁洋詩卷十八

五

雨宿山家二首

鬱岡山下雨瀟瀟山店寒更斷麗譙遙憶青溪楊
柳岸一篙新綠漲江潮

方諸玉具碧雲間也擬游仙駕鶴還一夜潺湲秣
陵雨白羊門外失茅山

金陵輓陳士業徵君兼寄伯璣四首

昨朝揚子縣遠接豫章書五字詩殊妙三都序不
如士業序余論詩絕句便為絕筆人來青溪曲葉下白門初再有西江

信真成腹痛餘

板蕩崇禎末先生宰晉州中山翻得謗孟博竟同
收歸隱康王谷讀書章貢樓君所居曰章貢讀書樓悲哉耆舊

盡流水咽三洲

上流豫章郡高步有三陳兩見少微殞空嗟吾道

屯楚人悲鵬鳥魯叟泣麒麟歎息南城子飢寒六

尺身臨川陳少游孝逸先士業歿南城謂伯鸞

東澗先生死斯文絕續時方悲遺老盡又見哲人

萎名字三君重文章萬古垂重憐徐孺子宿草更

離離虞山晚稱東澗遺老先一年卒末句謂巨源也

東陽懷古

漁洋詩卷十八

六

何來父老說陳嬰傳是東陽舊日城白水一塘看

燕掠春泥三寸叱牛耕事成竟有通侯貴運往空

留豎子名回首淮陵多戰壘閒思楚漢一露纓

題春雨草堂

蘋末遠風起明流生縠紋無人漾舟處鷗鳥自相

羣幽意關林水閒情愛夕曛閉門不覺久花落雨

紛紛

蔬枰圖詩為宋射陵作二首

相逢射陵叟獨見古人心解作一生事蕭然三徑

深忘機成老圃抱甕偃空林銅輦他年夢依依直

到今

黃海有逋客敝衣不掩脛落筆擬營丘雲泉極幽
映寫作蔬枰圖跡與輞川競林端數帆遠煙外寒
溪淨多君歲寒心此意堪持贈

圖是程
穆倩畫

別廣陵

禪智秋來波淼淼紅橋春去柳迢迢平生水調停
杯處不信魂從此日銷

七夕諸公集禪智寺祖道留別二首

傾城相送罷日暮到禪扉月出星河淺山空人迹
稀清江去淼淼徒御情依依緬想東林事風塵未

漁洋詩卷十八

七

息機

昔送日南使今歸天北人諸公復高會片石悟前

因

寺有蘇公送李叔
師使嶺南詩斷碑

星影依雙樹鐘聲絕四鄰誰言竹

西路相望是天津

題扇留別汪舟次

欲別紅橋去正當秋水時依然數株柳圖畫寄相

思

秦郵留別諸故人兼寄禪智相送諸公

時大水
城不沒

者三
版

甓社湖中遠浪平故人相送片帆輕西風野蓼堤

邊屋落日神鴉水上城太息江淮民力盡那堪離
別客愁生竹西歌吹重回首歲歲星河識此情
高寶道中再別追送諸故人

白蘋洲長鳥倦飛煙中鴉軋櫓聲稀暫時並舸珠
湖水却恐船頭逆浪歸

淮北晚行寄廣陵故人

南風吹五兩浙浙乘潮便綠波蓮浦漲白露蘅皋
遠稍看烟景夕篙師柁樓飯不見廣陵人含淒詠
江練

寄宗定九

漁洋詩卷十八

八

東原讀書處夏木紛成結江潮門外落煙岫
列誰言謝公埭復作零陵別懷中團扇詩
秋節

沂水即事二首

沂水清不極沂山如畫屏行人秋色裏終日對空
青

清流映文石大可羅湖牀白鷺翻飛去前溪應更
長

穆陵關南作

煙火田家曉秋清望不稀溪聲接東莞山翠滿臨

沂

臨朐道中寄題馮氏冶湖別墅

勝蹟傳歐冶名園峴口西竹多如鄴杜水碧似茗
溪菱芡迎秋熟鷓鴣入戶栖遙思始寧墅曾是謝
公題

古稷下城同子側留別太液西樵禮吉諸家
兄

韓娥歌處水泠泠十里青山古驛亭我有離腸先
已斷不須辛苦怨秦青

分賦得館娃宮送子吉編修歸吳

漁洋詩卷十八

九

館娃宮中花蕊紅美人白紵嬌春風館娃宮中烟
草綠蝴蝶雙飛井欄宿回首穠華能幾時羨君一
舸逐鴟尾五湖淼淼煙波闊何處黃金鑄范蠡

又賦得寒山寺

寒山寺前客帆落楓橋人家卷簾箔我來鄧尉梅
花時月落烏啼記猶昨小別江城已五年殘秋重
送下江船姑蘇到日應相憶卧聽寒鐘古寺邊

又賦得角里村

笠澤濛濛水烟夕細雨丹楓浪頭白先生去後幾
千年角里之名今尚傳玉堂晝臥夢烟水却挂扁

舟尋用里我亦江湖舊散人
蓴鱸里逐秋風起

帶經堂集卷十八

廿五

漁洋詩卷十八

十



帶經堂集卷十八

舟尋用里我亦江湖舊散人
蓴鱸里逐秋風起

帶經堂集卷十九

欽門人程哲校編

新城王士禛貽上

漁洋詩十九 丙午稿

昭陽顧符稹畫棧道圖歌

顧生畫學李思訓
九工棧道兼嬴綱
丹青碧妙銖黍近
形遠勢窮毫芒褻
斜山色一千里子規啼
處烟蒼蒼女郎祠
邊人跡絕但見哀猿連臂叫
嘯青崖旁江水如油下
南鄭閣道似髮通
陳倉紅氈裹背笠
覆首人物結束疑
唐裝車馬斑斑入雲際
如蟻緣垤相扶將
秦川渭水望不到
蠶叢直上天

漁洋詩卷十九

一

茫茫仰家扇子冰雪色
一莖斑竹磨瀟湘
如何方寸懷袖裏
宛然置我蜀道青天長
揚一益二古天險
譙周鬻國謀非臧
阿瞞四紀作天子
青驪西幸何倉皇
三十年來蜀道塞
況從古史論興亡
因君妙蹟發遙慨
如聽鈴聲替戾岡

過廣川弔董子

十年蓀縣問遺書
五載江都傍舊居
太息此才逢主父
天人三策欲何如

花朝道中有感寄其年三首

漁陽三月無芳草
客思離情不奈何
此日淮南好

天氣青驄尾蘸鴨頭波

三月嬉春射雉城鉢池新水穀紋生紫雲低唱靈
雛拍愛忍春寒坐到明

風俗淮南古禁煙紅橋解襖雨晴天酒徒散盡楊
枝別說著花朝一惘然

趙雪江畫

以下九首青州為
櫟園雜題冊

山如十斛新螺子柳映雙谿舊鴨頭圩外秧針初
刺水鱉魚時節坐扁舟

鄒衣白畫

雲嵐半幅落人間衣白山人去不還却憶題詩東

漁洋詩卷十九

澗老夕陽粉本出關山

末七字虞山翁題衣白畫
句也翁晚年號東澗遺老

鄒喆畫

山深樹色變黃綠天高石氣摩青蒼何人寫著盧
鴻乙便是終南舊草堂

題胡元潤畫寄焦山樵道人

白波青嶂非人境憶住江南過五年今日長征老
鞍馬菰蒲春雨夢江天

八冊小景

八冊西風曉鏡鋪家家網得四腮鱸水鄉風味江
南思何日扁舟鶯脰湖

石谿畫牛首

兜率崖前雙屐去，鐵心橋畔一筇歸。
當時擬向牛頭住，不道風塵與願違。

樊圻画

曾經草屨夾，望見清涼山。
秋雨暗江浦，數帆煙際還。
披圖思建鄴，欲往路間關。
因送江南客，題詩慰別顏。

趙澄畫

江南春意到寒梅，曲曲崦迴汀幾樹。
開銅井銅坑風雪裏，曾敲烏帽跨驢來。

一五卅九

漁洋詩卷十九

三

石谿畫

慈竹林中一徑微，曾尋石窟叩禪扉。
雲山舊衲渾忘却，欲借僧雛壞色衣。

送姚六康令石埭二首

江祖魚梁外，青天翠黛低。
桃波接秋浦，水色勝耶谿。
城映清川曲，詩尋碧嶂題。
五湖一帆影，目盡秣陵西。

捧檄西南去看山，過九華池陽秋望好。
楚色滿蒹葭，吏散調馴鶴。
春行課采茶，此邦風俗古。
官舍似

田家

趙北口見秋柳感成二首

順治乙未予上公車與家兄司勳傳彤臣御史賦柳枝詞

于此忽忽十餘年矣堤柳婆娑無復曩時不勝攀枝折條之感因賦是詩

十二年前乍到時板橋一曲柳千絲而今滿目金城感不見柔條踈地垂

六載隋堤送客驂樹猶如此我何堪銷魂橋上重相見一樹依依似漢南

予舊賦柳枝有句云銷魂橋上銷魂樹不見飛花魂亦銷

雨中送甯益賢歸潁川

與君共憔悴揮手此重陽露下黃花晚雲中白雁長離樽對寒雨別調入清商鳳德吾衰甚聞歌愧楚狂

三九

漁洋詩卷十九

四

題李御史水亭二首

野夫乘興坐水閣鷓鴣沙燕麥差飛煙中人語釣船過昨夜雨來蘋葉稀角里昔遊那在眼魯彼舊業空懷歸櫂歌一曲杳然去夢向滄江漁父磯

略約橫斜孤嶼邊丈人水榭似吳船漁菴蟹舍紛相映衰柳殘蒲望邈然別浦清秋菱芡熟江鄉遠思鱖鱸鮮今朝偶乞樵風便來伴閒鷗盡日眠

周量近耽弈甚以詩調之并示湘北簡討

畫省垂鞭薄暮迴文楸方罨鎮常開知公欲歡承明直徑賭宣城太守來

送隱巖道人之五臺繹堂周量苔文湘北同

作二首

道人江左秀十載住菰蘆獨向清涼去隨身智杖
扶峰峰餘積雪了了見文殊亦欲游方外從師問
苾芻

曼殊行道處猶現海羸城摩詰無文字豐干識姓
名綻衣寒事早咒鉢毒龍驚殺活從渠會依然草
一莖

讀蔡中郎集

曾說迴車弔偃師千秋釋誨感知幾可憐勸進郿

漁洋詩卷十九

五

二七七六
侯日此老華顛又是誰

崑釋誨設為華顛湖
老與務世公子問答

答曹淡餘廷尉送梅之作兼示令兄升六解

元

江南雪霰春凌亂憶向蟠螭穩泛舟雙屐曉穿光
福樹萬株香壓太湖流瑤華久別應無恙佳句遙
傳一畔愁竹屋紙牕燈火裏與君斟酌話前遊

雪後入朝啓事懷宗定九

雪霽東華曉漏遲宮鴉飛上萬年枝故人憶在東
原隱夢覺寒溪落木時

青州有感

銀漢紅牆望不分十年桂樹雨中聞沅湘嫋嫋自
秋色禾黍離離空夕曛網戶昨宵歸宿燕觚稜今
日委荒雲鐘鳴葉落頻回首只有青山不負君

帶經堂集卷十九

七十三

漁洋詩卷十九

六

帶經堂集卷二十

歙門人程哲校編

新城王士禎貽上

漁洋詩二十

丁未稿

答梅淵公贈畫兼寄唐祖命沈方鄴三首

北樓遙憶碧雲間
謝朓詩中夢往還
今日老瞿圖
畫裏何如蒼翠望
寒山
鳥弄屏風明鏡開
青溪水色碧瀠洄
琴高三月登
春網一日谿頭醉
一迴

年來八咏憶休文
耕塢先生袂又分
好是謝家團
扇上相思為畫敬亭雲

三九

漁洋詩卷二十

一

遙送汪舟次游廬山

聞汝清秋日孤吟
到繖山殘碑訪江
今日夕不知
還復愛屏風疊
蒼蒼雲霧間
南飛駕鸞鶴
揮手向

松關

舟次先
注棲霞

春帆下彭蠡
弭柁問匡君
曠望輕千里
青天瀑布
聞振衣三峽
石游目九江
雲想到東林
寺吟詩坐
夜分

何處弄芙蓉
西南五老峰
昔人不可見
此地空雲
松吟眺青山
晚名流白社
逢獨慚謝康
樂夢逐虎

谿鐘

送陶季之潞州

先生昔日登武夷鐵船峰頭看弈棋中冠離支二
百顆酒酣自擘輕紅肌峰頭爛睡忘甲子坐笑曾
孫生白頰張帆伐鼓下黃鶴欲濫三湘窮九疑披
襟蘭臺叢高唱快哉不辨風雄雌平生名岳屐齒
遍風塵京雒嗟衣緇投我奇文浩千頃蛟龍大澤
纏躩踞謂我四海一知己譬若莊休從惠施高齋
茗飲坐清晝風爐活火分槍旗我時無事似犀首
酒鱗浮動銀留犁豐臺紅藥花照眼驪駒忽告將
西馳壯心猶作驥伏櫪適志無如泥曳龜我聞上
黨天下脊當年潛邸傳臨淄飛龍荒宮沒煙莽斲
碣髣髴開元詞紛紛梁晉夾河戰鷗兒萬騎陳軍
麾錦囊負矢盛意氣歌聲慷慨留三垂時平不用
弓箭手空老昭義千熊羆戰場下馬問亭長鬼燐
颯颯寒飈吹君家草堂臨射陂門前五柳藏東籬
何時單舸徑歸去北牕高枕談黃羲

送朱秋厓歸安宜兼評陳冰壑

北平太守老不封身經百戰關強弓平陵岸頭爾
何物李蔡為人居下中昔者應侯未入秦折脅摺
齒難為容一朝西行取相印故人馬食何怱怱丈

夫不遇且蓬累古來雄俊將無同愛汝朱干草堂
好甃社湖北如吳淞釣船春入鰕菜市紫門晝掩
菰蒲叢據梧時復同惠子上冢聊爾隨龐公當年
我作淮南客落帆屢及桃花紅兒童習見鵝鴨熟
濁醪為我來牆東此邦佳士復有幾稍從湖海知
元龍唱予唱喁樂復樂大湖漠漠來天風自別淮
南老鞍馬筆墨蕭颯如秋蓬眼明乍喜故交至劇
談隄往連晨鐘聞君此行意惝恍五湖春水磨青
銅夢隨白鷗沒浩蕩覺來自送南飛鴻歸逢陳鈺
相問評予方袴褶騎黃驄

送楊東子孝廉歸廣陵兼寄費此度

淮南三月春江綠遊子歸帆指江曲客路驚逢黃
鳥新到家正及櫻桃熟楊郎風調絕世殊少年能
讀等身書手將玉塵都無別瓊樹瑶林定不如去
年壯遊輕萬里灩澦瞿唐片帆耳崢嶸赤甲羅胸
中突兀黃牛壓蓬底司馬橋頭駟馬歸杜陵花叢
試春衣長安官舍一杯酒却憶揚州初見時揚州
城西蜀岡路猶記當年冶游處歸語成都賣卜人
乘查欲訪支機去

揚費皆成都
人寓淮南

題胡玉昆南新水部署宋梅圖為程翼蒼

風雨厓山事杳然故宮疎影自年年何人寄恨丹
青裏留伴久青哭杜鵑

送周量同梁芝五游西山

西山香山妙無比一道飛泉萬松裏馬曹自矜能
拄笏不知落汝芒屨底猢猻藤子青銅堅為汝一
日窮緣攀遙想空山下風露嗒然坐對開禪關

送沈康巨歸越中兼寄姜鐵夫

鏡湖五月蘋風涼蜻蛉著水菡萏香越女如花櫂
舟去一曲前溪能斷腸沈侯詩瘦如東陽家臨鏡
湖開草堂野艇晚釣語黃帽北牕春雨抽蒼筤會

稽竹箭天下良僑肸更出菰蘆鄉一朝來摩烏集
闕蹴踏枚馬提班張勇若孟賁捷慶忌萬言誰得
如東方羽林仗飛識名字落筆觀者如堵牆紙尾
一鷺萬金直題背定須煩庾郎持梁躍馬有底急
羨汝墨妙工文章櫻桃紅過棟花老潞河曉峭千
帆檣榜人長嘯指於越衣冠送客臨高梁白魚入
箸淮楚近綠橘照眼吳山蒼萬事無如故鄉好況
復垂查來日旁吾友姜梗與君厚寄言別夢南天
長安得與君夾清漳張南周北劉中央

用南史語

送同官劉竇生赴漢中僉事

梅雨初晴出禁林，河梁西望暫題襟。
樂游原上離宮盡，陳寶祠邊驛路深。
秦棧春風千騎度，散關曉日一猿吟。
慈恩回首同游處，天際梁州夜夜心。

膠東張雉画葛洪移家圖歌

下簾卧清晝，遠夢生羅浮。
覺來北堂上，素練橫滄洲。
依倚三萬六千丈，風吹絕壑紅泉流。
何人攜持雜負戴，全家避地來山幽。
先生身騎烏牯牛，丹雞白犬隨行輶。
鮑家小女兩丫髻，手把芙蓉居上頭。
惠懷之際那可道，萬乘不洗金墉羞。
王家寧馨失三窟，華亭鶴唳悲清秋。
回首銅駝洛陽陌，名士對泣新亭囚。
伏波將軍不受賞，丹砂欲就來交州。
大鵬詎可伍鷦鷯，跛鼈坐笑追驪騮。
張生妙筆擅黔陬，令我逸興生丹丘。
夙昔讀書慕仙意，望而不見中心愁。
十年婚宦顛粗畢，青鞵快作逍遙遊。
刀圭為我留井竈，此生未作坳堂舟。

送耿十三承哲赴高州推官二首

見說高涼郡，遙遙八桂鄰。
駱田潮上下，蠻弩瘴冬春。
蚌暈連珠浦，冰綃獻海人。
酌泉君有意，知不厭清貧。

何代名藩地，軍城遍草萊。
轅門飛鳥落，行殿野棠開。

開感激碣州蹕悲涼洗氏才撫時思將略巾幗亦
雄哉

哭耻古都諫二首

太息 章皇帝能容折檻臣一朝看蟻結七載泣
龍鱗封事堂堂在風霜字字新可憐天下任無復

見斯人

都諫未歿前數日猶言身雖不用亦當存以天下為己任之意

蕉萃終何道姬姜色自殊無人念管蔽有淚灑靡
蕪遺玦成捐棄如弦死道塗武夷歸去否風雨痛
羈孤

戲送剝圃歸里二首

漁洋詩卷二十

六

兔柴何如鹿柴幽一條略約石溪流黃雞未老新
秔熟歸及東田七月秋

秋風葑圃閒支枕微雨蘆溝倒跨驢想到故山殘
客少藤梢橘刺莫教除

同沈繹堂程周量題項參政倦鳥亭圖是戴
務梅畫三首

自得陶家意吾廬只數椽曲欄斜釣艇飢鶴啄秋
田曖曖郊原樹依依墟里煙未須笑縵縷飲酒豈
徒然

白石山中路蕭條暮雪時泉冰紛鹿跡石室偃松

枝靈境幾人到幽棲良在茲他年鞵韞去丘壑有前期

昔上牛頭寺東峰一振衣愛君圖半臂清晝坐忘歸山月松間吐僧鐘定後稀舊遊如夢寐見此重

依依

巖同方爾止游牛首見務海所畫東峰半臂最妙

同年袁秋水僉事觀事畢將歸甘州索詩歌

以送之

白馬黃金柑蹠躐思邊疆河西四郡天萬里中分弱水臨河湟漢家天子重邊冊大開張掖連燉煌陽關以西盡亭障屬國一氣通諸羌遠求汗血歷

三のり

漁洋詩卷二十

七

絕域玉門使者遙相望輪臺之悔復何補弛刑十萬空雄張首着離宮待天馬蒲桃大郡酬伊涼至今祁連古邊塞控弦士馬多精強衙帳雲屯雜回鶻部落星散延燒當當年武皇用兵處傳烽高並天山長祭酒布衣諸生耳虎頭食肉何昂藏紅鹽池邊開幕府羌女如花羅酒漿安西都護受成事戊己校尉停秋防使君能令金作粟使君能使馬如羊使君今且為急裝還報天子開明堂特賜安車圖未央五星歲歲臨東方

瓶中荷花開偶成二首

載酒紅橋日扁舟蓮葉東蕭蕭沙鳥白漠漠渚花
紅明鏡生瀟照清流澹惠風別來一千日相見膽
鉞中

曾連陂上路十里白蓮花遙夜孤舟泊無人山月
斜斷橋三汊水籬落幾漁家津市垂楊岸何人繫
釣查

題公戡畫送樵涇歸長白

青山一帶似秦餘谷口逃名共結廬何日真如圖
畫裏醴泉山下對門居

漁洋詩卷二十一

八

期薊門騎馬閱炎曦阿誰箕踞長林下恣
看銀河一派垂輒賦二詩調之

筆底清秋萬壑雷百泉蕭灑亦奇哉司勳似憶容
城叟獨臥孫登古嘯臺

公戡舊與孫鍾元
隱君卜鄰山中

身是巢由未得閒朝回漱墨寫潺湲蘇門臼杵應
相笑便欲留琴擅此山

公戡出山留一
琴于蘇門州堂

傳經堂歌送卓永瞻歸浙西因寄火傳

中原喪亂連天崇鑿蹄驕馬嘶江東昭陵玉匣出
隧道鴻都祕策飛秋蓬小作騰囊大帷蓋石碑三
體皆磨礱解經無復戴侍中說易亦少皞

胡瓦
反陽

鴻卓家世德不可紀侍郎謀國真公忠巢傾卵破
悔不早曲突徙薪誰謂功革除事注三百載至今
化碧干長虹聞孫抱經隱苔雪千秋人識梁丘宗
清廟明堂列球貝深山大澤藏蛇龍我慕蒞淵生
苦晚晚及孫子相追從雄才能慮五石瓠大力欲
挽千鈞弓桓榮稽古累數世郎君人地將無同昭
氏鼓琴有妙理誰云竟以文綸終 至尊通經過
漢代會開東觀臨三雍白虎諸儒考同異如縣大
虞鏗洪鐘郎君攝衣作都講雅歌殿上何雍容野
夫窮經不得力坐使尹季傷瘖聾他年登堂問章

漁洋詩卷二十

九

三十四七
句五湖帆影隨樵風

侍郎公名嶽
遜國名臣

宗定九畫紅橋小景于便面見寄賦懷三首

平山堂外春風到取次紅橋爛熳遊時聽鈞輶坐
深竹不妨笈箸挂扁舟

辛夷花照明寒食一醉紅橋便六年好景忽忽逐
流水江城幾度沈郎錢

紅橋秋柳最多情露葉烟條遠恨生好在東原舊
居士雨窓著意画蕪城

荷蘭刀劍

大小凡
八枚

憶戰金門島王師大合圍寒芒生海外真見著胸

飛

荷蘭四馬

二青二赤鳳膺
鶴陸日可千里

龍種來西極蘭筋怒不羣鼓車應待汝不用籥浮

雲

西洋四白小牛

白質斑文長二尺高
一尺七寸項有肉峰

豈是流沙種還疑果下駒寄言熊虎質不敢恃牙

鬚

立秋後雨中言懷寄家兄西樵子廣陵

三日不出秋已過不衣不冠任慵惰雨久却愁屋

漏痕泥深更惜屐齒浣門前轟隱多高車折軸脫

三十五

漁洋詩卷二十

十

輒誰能那朝回閉戶罷通謁仰視屋梁但高卧長

貧敢羨邢麗奢少賤自甘葛轆軻吾兄忘機罷爭

席世尊渠屑仰天唾淮南落葉已再見欲歸不歸

苦飢餓客中過從誰最親只有牛醫兼馬磨螭蝓

窟裏掉頭去蒼蠅聲中洗耳坐天寒歲暮行當歸

江湖浪湧蛟龍大

述舊贈劉公弼吏部

昔在順治中天府羅文昌 至尊右儒術海寓盛

詞章夫子起汝南高步翰墨場僕從稷下來意氣

猶蹶張雲龍歛然合相逐共翱翔論文無囁嚅結

交多老蒼四海得汪

文 程 量 周

驥首同周行一臺稱

二妙籍籍董

玉 虬

與梁

日 緝

璋射必有邱玉卮豈無當

窮秋八月草木萎以黃憑弔望諸君驅馬金臺

旁風雲慘營平邊朔多嚴霜和歌猛虎行天地為

低昂時序一以變良會誰能常君思潁西湖歸尋

兩歐陽諸子亦星散各各之四方僕觀廣陵濤時

上平山堂側聞清潁水嫩綠如瓜瓢小艇擬舢舨

往隄破湖光別業寄蘇門水竹紛陂塘百里見黃

華神工肆皴黻飛瀑下千尋灑落層冰涼熊岳所

居處瑰異不可詳破衲山水紋蕭然居士裝真江

三

漁洋詩卷二十

十一

五馬渡暮雪天蒼浪是時一握手泥飲傾千觴豈

知十載別會合仍帝鄉羣公更翕集列宿森光芒

翰林蔣

虎 臣

與李

湘 北

誅蕩排天閭亦有陳

子 端

與吳

鳳凰鳴鏘鏘程子

翼 蒼

垂天雲耻作枋榆槍雅歌出

金石高論窮羲皇夫子正始音卓為羣倫倡僕忝

龐公文交時登元龍牀小春風氣佳晚菊有餘芳賓

從會西園絃管羅東廂援毫申此詞勗哉毋相忘

祖將軍園亭

以下九日城 南雜詩三首

粼粼水石映前灘落落松篁返照殘蓮葉蕭條蒲

葉短并將鳧雁作荒寒

過草橋橋西二水清濁劃然至橋東乃合流
土人云清者自西山來濁者渾河也

垂楊匝地板橋橫沙路青驢得得行偶坐濠梁忘
日暮可憐泉水在山清

投壺贈董玉虬程翼蒼

蔗杖樽前矜妙技銅壺花下伴無聊野夫袖手虧
成外輸汝平分七十驍

朱錫鬯自代州至京奉柬一首

短後曾將代馬騎談兵絕塞偃牙旗錦囊舊事悲
唐壘碧玉春流寫晉祠燕市雪深衣褐敝吳江楓

漁洋詩卷二十

十二

冷酒船遲鴛湖若買三間屋得便從君下釣絲
朱有

晉祠記
最工

為念東先生題衡山畫二首

驢影凌兢冬氣昏危亭孤棧簇煙村披圖正有溪
山夢風竹蕭蕭雪擁門

凍合千山鳥不飛梅花香裏踏清暉先生只向江
南老不見天山雪打圍

送座主蒲州公祭告北鎮二首

閭闔晨開遣上卿玉函金簡下承明貂裘雪壓遼
西郡虎跡秋高右北平山指醫閭盤重鎮江迴鴨

綠抱神京榆關楊柳初搖落橫吹聲中出塞行
風雲莽蒼黯平蕪直指營州接上都九塞東來圍
朔漠羣山北折走徐無勁鵬晚日摩霜磧老馬當
年識霸圖喜見太平新望秩神光初起萬靈趨

讀唐簡討徐隱君九日長白山詩賦寄

秋山千里外歸思寄朝昏聞說登高處莓苔遍屐
痕清霜石門路落日青松根安得同攜酒新詩與
細論

立春日寄司勳兄時兄歸自江南兼示仲兄

叔兄

漁洋詩卷三十

十三

越水吳山幾滯淫衡門歸閉系川尋撈鰕亦自甘
佻達據地誰能但陸沉空對梅花思健步愁看雪
意釀春陰高堂無恙諸郎好婪尾遙知次第斟

題繹堂小像即送之赴通薊四首

早識吳興沈隱侯翛然玉立映清秋九州人物提
衡遍畢竟還渠第一流

長林已辦松枝塵谿水真成洗硯池筆勢自來追
庾翼清談應是勝張譏

軍都山下闢轅門馮翊扶風節制尊勉為蒼生須

一出先皇侍從幾人存

九峰三泖興悠哉舊隱何人埽石苔若許画師傳
二老不妨添我刺船來

送程伯建入覲畢返滇南

祚馬旌牛幾策勳十年歸謁聖明君往來衡岳三
秋雁迢遞昆池萬里雲豈少通侯推祭酒依然蠻
府作參軍牂柯江上應回首長樂鐘聲憶共聞

帶經堂集卷二十

一百十二

漁洋詩卷二十

十四

帶經堂集卷二十一

歙門人程哲校編

新城王士禛貽上

漁洋詩二十一 戊申稿

世祖章皇帝御畫渡水牛戲以指上螺紋成之賜

中官某 臣 從黃州通判臣宋瑩得觀恭賦

一章

章皇握乾符武功燁旁魄孚齋 世祖宮中游 春晝長游

藝睇圖籍泉壑窮窈窕煙雲羅幽蹟寶繪賜近臣 息之地

往崖等球璧常從青箱堂 今御史大夫王公第 奎藻觀赫奕營

丘及河陽到眼堪一擲想見憂勤暇勝情寄山澤

漁洋詩卷二十一

一

戲作渡水牛生態妙盤辟肉怒垂星圓筋突陰虹

直脰似滿黃鐘角堪扣白石彈指九牛毛森疎如

刻畫水波稍演迤浮鼻未沒脊髣綠楊風掩映

春蕪碧神武十八載文教洽重譯于戈與弓矢包

用黃牛革小雅賡宣王爾牛何濕濕旒旃牧人寤

考牧周官職應知翰墨餘與世登衽席龍顙去已

遠謳思徧荒僻雲漢爛天章典謨布方策 聖主

念紹庭率由正無射小臣沐皇風流涕記飛白

十六日曉過慈仁看松雪

松氣自蒼鬱風雪相迴薄不見凍禽翻惟聞松雪

落

為宋牧仲題林良宮娥望幸圖

杏華春水圍宮纈宛宛鵝羣白于雪林良好手二
百年犀軸飄零見奇絕太平內則徧閨檐宮漏迢
迢響夜籤何處離宮三十六金羊空望竹枝鹽

送宋牧仲歸黃州

詞賦梁園憶勝游一麾雲夢澤南州三分誰似周
郎少九辨深知宋玉愁烏鵲南飛河漢轉大江東
去古今流山川如此容高嘯羨汝黃泥坂下舟

送楊鄂州職方奉

詔安南

時國王黎維禘侵奪
都統使莫元清高平

三四三

漁洋詩卷二十一

二

地故有
是命

于闐玉帶橫腰身猩紅袍蹙金麒麟使者青霄下
千仞旌節遙臨日南郡日南郡縣古交州唐家都
護天南頭大長叩關奉朝請比于佩印為通侯咫
尺高平亦王土誰使穴中鬪羣鼠要令萬里靖烽
煙先見兩階列干羽楊郎意氣不可當談兵畫省
神揚揚雄才常擬略邛笮壯心更欲規河湟此去
烏蠻過銅柱曾是伏波用兵處即看金馬獻彤庭
不用飛鳶愁毒霧朝來祖帳城東門羣公冠蓋如
雲屯虎頭食肉志亦得新婦帷車安足論

林逋梅鶴

以下六首為蒲州公題趙承旨雜句

郭索鉤輶句尚傳妻梅子鶴致蕭然不知他日朝
元殿誰上冷陰饗祀篇

鬻草篇

八尺龍媒霧鬣旋欲齟并冀刷幽燕長鳴未得風
雲便首蒼離離亦可憐

漁父

風送三江雉尾尊青鱸紫鰕正時新故家零落遺
民老恐是當年汐社人

磨鏡

三乃中
漁洋詩卷二十一

三

磨鏡一錢無不可市中游戲亦悠哉黃塵碧海須
吏事負局先生自往來

馬

十二天閑立仗齊何來龍種大宛西即教得遇雄
才主不少黃金鑄裏蹏

打毬

如弦馳道接長楸紅鬣嘶風滾畫毬日暮踏花歸
去晚德陽宮北苑東頭

送米紫來令建昌

南風吹船健如鷗一月飛渡西江灣名流正得山

水窟雲中五老玉孱顏
畫禪書聖兩無敵
官閒潑墨東林間
風流海岳蒼中容
直取廬山作硯山

三月晦日公馭招同曰緝玉虬苔文周量玉
隨翼蒼湘北子端集河樓得絕句六首

下直經旬髮不梳
河樓高會翦春蔬
已喜綠蒲藏睡鴨
更燒紅燭射游魚

御河楊柳盡飛花
露葉煙條拂狹斜
十五年前曾

繫馬數株初種不勝鴉

順治乙未年春曾與諸公安集此樓

流雲漠漠閣春陰
乍試輕容尚不禁
斑竹闌干恰

臨水風吹新綠一篙深

漁洋詩卷二十一

四

櫻桃初熟紅藥開
相逢且覆掌中杯
新詩樂府誰多少
鬪取旗亭畫壁來

濟南山水天下無
剩水殘山還自殊
仕宦幾人為令僕
十年冷落鵲山湖

腸斷江南盛小叢
三年禪榻過春風
不緣今夕相料理
枉負花枝映肉紅

送戴務旃遊西嶽

捫蝨雄談事等閒
餘情槃薄寫孱顏
洛陽貨畚無人識
五月騎驢入華山

六月十二日喜雨晨起為錢宮聲題周靜香

長橋煙雨圖

松枝塵尾壁角懸桃笙火出晝不眠長安五月早
太甚自郊徂宮空告虔昨宵新涼生枕簟五更簷
溜聲奔泉大江萬里瀉春漲濤頭泛泛何滇滇豁
如毛摯去酷吏身傳兩翻思騰騫坐憶江南此時
節流水泱泱鳴稻田錢郎打門送急遞鼠鬚煤尾
交雲煙青松短壑妙結構高厓巨瀑紛鉤連長橋
煙雨更奇絕空濛似欲無山川溼篷折疊緯掠水
黃泥曲岸相噴緣江南舊游入夢寐髣髴五湖春
水船錢郎自號五湖長此圖日在衡門邊胡為款
漩

漁洋詩卷二十一

五

又題周荃觀察畫

石勢槎枒亂水間扁舟有客弄潺湲乾坤何處無
漁釣空愛周侯著色山

題文與也為曰緝御史畫江村讀書圖四首

水市漁村短竹籬故人新辦草堂貧客來夜雨烹
春韭晏坐清齋折露葵

門外漁航箇箇輕春流滑笏縠紋平江花江鳥不

相識寫向丹青俱眼明

風日菰蘆書下簾鐘魚聲裏悟楞嚴從知摩詰無
文字盡埽艱侯三萬籤

停雲家世紅欄里相國風流異代傳昨見明窓寫
江練諸孫才調又翩翩

送翁山子五首

藝蘭不盈晦孤芳難自宣不知沅湘上九畹為誰
妍歲蕤玉池側掩冉春風前何當永服媚一賦涉
江篇

故人滄洲別迢迢餘十載太息東逝波流光詎相

待珠江明月來時時見光采南望羅浮雲知子寸
心在

西登秦昭臺鈎梯去天尺道逢衛叔卿六博忘日
夕迴車雁門郡感慨平陳迹常逐射鵰兒醉獵黃
沙磧

昔子從代來竹覆中庭雪新筍復成林再見還相
別我有五弦琴古調自怡悅牙曠日以遠曲終絃
斷絕

倦遊慕栖遯復愛秣陵山萬里還將母中年當閉
關攝山江令宅花落青苔斑他日尋君處雙峰應

重攀

張彥若索扁舟歸隱詩時將遊河東歸武林
張侯六月之河東將尋姑射騎飛龍却夢扁舟落
吳越五湖萬頃何空濛武林諸山盡嫵媚人家碧
水穿房櫳明年鱸膾斫寒玉歸帆正飽西南風

為茗文題焚香埽地圖

朱門鼎鼎厭梁肉忍飢誦經無此人娜如山中好
水石他年真作孟家鄰

金籠鸚鵡曲

隴上黃鸚鵡紅珠金毛衣渴飲隴阪泉倦飛隴樹

源洋詩卷二十一

七

枝安西邊將好遊獵可憐誤入君罟罟黃金作籠
大秦飾萬里作供來京師回首隴上雲去去從此
辭漢家天子賤異物開籠詔放鸚鵡歸鸚鵡歸鳳
凰來紮庭阿閣當儀之

廢宮曲

小車何檻檻大車何啍啍陂陀如上天千夫力竭
萬牛奔車上何所有雕楹畫桷盤龍蹲昔日帝子
全盛時高臺邃宇檻層軒方連刻網戶曲瓊懸朱
門一朝人事浮雲變歟如風裏霜蓬根東邸青棠
雨中折西邸泉聲去嗚咽飛甍旭日起重城戟門

初開聞角聲

沙民歎

沙洲連袞幾千里昨日高門今廢址稻黃如雲不敢收欲穫恐遭君馬箠朝來官長親驅逐雞狗無家苦遷徙東鄰西里半燒焚微命何堪驅螻螳連江大帥如雲屯紅旗金印開轅門江頭戰鼓一聲動中堅魚爛前徒奔但願盧循徐覆一朝死身同精衛填海水

巫山高

巫山高高際天蜀江駛如箭吐彥山高江深自終

漁洋詩卷二十一

八

古世人誰知五丁苦五丁力盡黃牛死巫山蜀江險如此開府下令求朱提萬人委命當蛟螭山崩石壓水深黑毒龍腊人如舖糜貝闕龍堂萬靈怪何輕民命為水嬉安得五丁更生黃牛出開山獻我金百鎰使我遺黎返家室

宋子昭舍人使秦歸因懷牧仲通判黃州

相國風流付夕曛廣平兄弟更能文春城雪下聯吟騎塔院鐘殘坐夜分使節初回吳嶽雨鴻聲何處楚江雲章華羅綺黃州夢驛使來時好寄聞

愁霖行

歲在涪灘陰氣凝愁霖不絕如貫經江星動搖陽
景匿蝦虹閉藏潦霧增玄駒戴粒蟻封穴白躡涉
波豕出繒恢台變節百草死縱有紈扇須何曾立
秋八日又七夕不見河鼓低玉繩肅時雨若哲燠
若此事無乃非休徵今年災異亦太劇延慶早魃
嗟頻仍太白失舍晝不入白晝夜見生芒稜左輔
銅龍翻地軸川竭水涌騫高陵汝南桑田化滄海
洧淵白日蛟龍騰我讀劉向五行說天意人事如
相乘淩梁之會書地震龍鬪于鄭梁山崩吁嗟盛
世詎有此胡為變易違其恆何時搏桑日東升重

漁洋詩卷二十一

九

三万廿二
霾一掃天宇澄野人爛睡曲兩肱晨炊不復愁薪
烝

竹枝三首送陸水修

白翎雀飛山雪寒譜入琵琶馬上彈沙鷗鷓鴣春
江上蘆葉青青水滿灘

北人不識竹枝歌沙磧春深牧駱駝南人苦憶江
南好明鏡夾城春始波

才過蘇州是秀州垂虹亭下水爭流吳山的的如
迎客吳女摻摻解蕩舟

又絕句兼寄彭十駿孫

萬歲樓前江水長故人別我下湖湘燕山七月梧
桐雨又見斑駁送陸郎

題李長文學士畫冊

遙峰幾點落平湖漁艇沿流水鳥呼常惜當年孔
巢父釣竿不肯拂珊瑚

大司馬龔公招同劉公戡吳玉隨梁曰緝汪

茗文程周量陳子端李湘北陳其年集城

南餞送董玉虬御史赴隴右分用杜公秦

州詩韻得間字天字

送遠逢秋社西風岐路間單車三輔客鄉夢五湖

二五七十三

漁洋詩卷二十一

十

山折檻心元苦乘槎使未還隴頭嗚咽水想像鬢

毛斑

隴坂高無極西行欲上天秦州秋望闊寥落幾峰

傳戍鼓連天水長城到酒泉營平方略熟吹角罷

防邊

為王無異賦獨鶴亭

園林華山下水石遠人間獨鶴來江海蕭然相對

閒博臺殘雪散仙掌片雲還騎向三峰頂遙遙不

可攀

奉答蘇門孫徵君二首

山雪晚修阻蕭條松桂林孫登長嘯處南望百泉
深坐卧觀周易行藏託素琴空令嵇阮輩天半聽
鸞音

戰地山河改中原者舊存嘯歌惟雍牖今古一蘇
門伏臘留田舍羲皇到子孫悠然太平世嘉遯老
丘園

懷子側湖州

吳興白雀寺杳杳舊禪栖聞訪名僧會扁舟向雪
溪秋懷千里外雪淨五湖西遙夜蘋洲夢江南路
不迷

五十七

漁洋詩卷三十一

十一

再為曰緝題江村圖

西臺御史馬步工下直垂簾送飛鴻高堂雪霽展
圖畫興在春江煙靄中

調茗文示曰緝

也知子義愛當歸不見珊瑚拂釣磯且讓先生賦
招隱吳儂依舊沈朝衣

送吳天章歸中條山

月始在房羣陰終凍禽塌翅啼酸風呂生置酒邀
我飲清歌笑倚商玲瓏朝來宿醒卧未析吳郎告
我歸河東北風雨雪滿天地層冰千里高穹窿行

人靴塚手指墮狐裘嗟汝胡蒙茸長安甲第高入
天馬蹄動地聲隆隆漿酒霍肉不足道金玉磊砢
堆堂中汝詩千首文百軸滂塗未拔誰相通汝家
王官谷中條青濛濛藤蘿相糾水相激至今猿鳥
悲司空汝歸讀書甘菽莪致君堯舜會有日飛伏
詎辨誰雌雄

題李武曾灌園圖三首

衆木扶疎遶敞廬日耽清興矚林渠不騎塞北將
軍馬且把溪南種樹書

回首平泉宰相家風霜無復日南花漫言喬木舟

千斛皇后園中祇暮鴉

閒園半畝具區東葵蓼牽牛歲歲豐欲向於陵尋

子仲年來久已薄三公

送其年歸宜興二首

與君五載揚州夢細馬吟春皂莢橋歲晚幽州復
相送九門風雪壓盤鷗

送客魂銷楓樹林買田陽羨舊同心花枝照眼蝦
籠背未得從君弄渚禽

曉起雪東茗文子端兼示與也二首

愔明睡初足雪片已橫斜憶汝高齋裏寒梅著幾

花

雪盛無烟火何人晚趁墟寒溪危棧裏寫我跨青驢

帶經堂集卷二十一

漁洋詩卷二十一

十三

帶經堂集卷二十二

歙門人程哲校編

新城王士禛貽上

漁洋詩二十二 已酉稿

再送吳雯歸中條二首

二月春蕪綠紛紛蝴蝶飛花朝逢暮雨寒食減正
衣道路誰知己登臨不當歸中條多水竹此去掩
荆扉

愛汝王官谷他年擬借居三峰當戶牖五姓足樵
漁田舍堪懷古茅茨宜讀書獨憐好身手歸去注

中條山下
有五姓湖

漁洋詩卷二十二

雙劍行吏部侍郎孫公席上作

承澤其一魚腸
其一有銘云吳李

子之子永寶
用劍凡九字

延陵季子不忘故千金之寶帶丘墓我聞此語餘
千年何來虎氣騰重泉天精下觀罔兩伏雷公擊
橐蛟龍纏古綠光射人瓜皮出土爭新鮮錯落黃
金書列星明滅蒼浪天五步殺一人易如削豚肩
又有古魚腸形製殊蜿蜒貫甲洞胸不濡縷立戟
交軼如浮煙幽州十月風折綿雪片墮地飛烏鳶
是時看劍夜置酒快若渴驥奔長川句吳舊事足
感激悲來清淚忽潺湲延陵已蹈子臧節誰令密

室生戈鋌太湖魚炙事亦逆蘇臺鹿走今誰憐鱖
諸要離匹夫耳屬鏤之賜吾悲焉孫公八十日如
電博古直擅歐劉前為公作歌驚四筵烏尾畢逋
河漢懸燈明酒盡雪亦止回看劍氣相騰旋

嶽下作二首

籃輦名山裏悠然懷抱開雲中辭嶽麓枕上見徂
徠他日臨千仞回看海一杯仙人騎白鹿邀我共
徘徊

嶽路清和候氤氳望不稀林園收宿雨石瀨濺人
衣班馬紅亭渡溪禽白練飛買山隨處好終日戀

漁洋詩卷二十二

二

清暉

泰山有紅亭左傳大蒐于
紅即此白練紅練烏名

望徂徠懷古二首

徂徠林壑美復愛竹溪清應有雲霞侶幽居遠世
情釣竿想巢父酒態憶長庚寂寞空山道寥寥千
載名

當年石守道卜築亦于斯時際升平日人傳慶曆
詩子孫留伏臘

山中上王村
今尚多石氏

水石映茅茨直道今誰繼

淒然汶水湄

渡汶水

泉流紛演漾爭遶汶陽田水碧明沙外山青玉鏡

前涼風起蘋末斜日冷溪煙鷗鷺吾憐汝菰蒲自在眠

徂徠山下田家

行行空翠裏明晦更多姿碧樹通村路青山向嶽
祠林深雞犬靜雨足隴苗滋他日龜陰稼躬耕亦
不遲

沂州

昨歲琅琊郡驚傳地軸翻衆山千里潰緊縣幾家
存聞有蠲租 詔深知挾纊溫九原新鬼大雷灑
亦 皇恩

二方七十一

漁洋詩卷二十二

三

羊流作

山勢圍荒壘猶傳太傅城風流一銷歇華表只縱
橫落日高平道殘碑峴首情當年墮淚處髣髴見
平生

題尤展成新樂府四首

南苑西風御水流殿前無復按梁州飄零法曲人
間徧誰付當年菊部頭

展成新樂府順治
中曾進 御覽

猿臂丁年出塞行灞陵醉尉莫相輕旗亭被酒何
人識射虎將軍右北平

五柳歸來對遠公虎溪三笑語相同今朝識得廬

山面蓮社花源一徑通

題桃花源傳奇

千金匕首土花斑兒女恩仇事等閒他日與君論

劍術要離冢畔買青山

題黑白衛傳奇

雪中寄宗定九東原兼呈司勳先生

一冬不雪春融融江梅岸柳俱空濛黃綢衾暖睡

初足起看牕紙何瞳矓蠻奴失喜縛雙帚走報玉

戲勞天公開門三寸沒堦砌拂空六出縈簾櫳舟

膠浦凍人跡絕天色慘慘雲而風銅餅筑響蟹眼

沸地爐火熬獸炭紅故人肯寄東原圖漁灣窈窕

橋梁通駛雪固佳霽亦好草堂正與圖中同蕭晨

三才九

漁洋詩卷二十一

四

畫雪復好手能以粉墨摹虛空前年幽州大風雪

馬毛如蝟鳴雕弓白檀山高鷹隼疾狐兔殺伐無

留蹤故人再寄蕭郎画寒江釣雪推煙篷展看忽

憶東原客醉吟禁體追穎翁適客江淮意不樂悵

望百里無由逢何當笊簪挂驢背踏雪直過東原

東

冬日讀唐宋金元諸家詩偶有所感各題一

絕于卷後凡七首

元和碑版照千春孔鼎湯盤跡未湮今古才人困

箕口祇應牛斗不能神

退之

星宿羅胸氣吐虹屈蟠兵策畫山東黨牛怨李君

何與青史千秋有至公

牧之

慶曆文章宰相才晚為孟博亦堪哀淋漓大筆千

年在字字華嚴法界來

子瞻

一代高名孰主賓中天坡谷兩嶙峋瓣香只下涪

翁拜宗派江西第幾人

魯直

射虎山頭雪打圍狂來醉墨染弓衣函關渭水何

曾到頭白東吳萬里歸

務觀

載酒西園追昔遊画欄桂樹古今愁蘭成剩有江

南賦落日青山望蔡州

裕之

漁洋詩卷二十二

五

漢庭老吏果無慙揭後揚前總未堪愛咏君詩當

招隱青山一髮是江南

伯生

帶經堂集卷二十二

